

# Ninawezaje Kushinda?

Jeffersonville, Indiana, USA

Agosti 25, 1963A

1 Na tuinamishe vichwa vyetu kwa maombi. Baba yetu, tunakushukuru, asubuhi ya leo, kwa ajili ya wakati huu mzuri sana wa kukusanyika tena, na kulifungua Neno la Bwana, tukiliweka hapa mbele zetu. Na—na kwa maombi sasa, ya kwamba Roho Mtakatifu atachukua kile ambacho ni Mungu, na ataturukabidhi, ili tupate kuondoka mahali hapa pa kuabudu leo tukiwa na mioyo yenye furaha iliyojaa shangwe. Kuona nguvu Zako kuu za ukombozi, Bwana, jinsi zinavyowakomboa wafungwa na kuwaweka huru, zinatujulisha “mambo yaliyokuwako, na yaliyopo, na yatakayokuja.” Nasi tunakushukuru tu kwa ajili ya mambo haya.

Tunaomba ya kwamba utatubariki tunapojifunza Neno Lako sasa pamoja. Na tunapoondoka, jalia isemwe mioyoni mwetu, tunaposafiri njiani, “Mioyo yetu iliwaka ndani yetu wakati Yeye, Roho Mtakatifu, aliponena nasi tulipokuwa njiani.”

2 Mbariki kila mhudumu leo, kila mahali, watumishi Wako wanaotetea Hii, Kweli Yako. Jibu maombi yao kwa ajili ya wagonjwa. Ponya miili ya wagonjwa wa hao wanaoteseka.

Bwana, tungeomba ya kwamba ungetoka uende miongoni mwa watu na kuutafuta ule uzao uliochaguliwa tangu zamani huko nje, Bwana, na kuuleta huku, kwa njia fulani, kusudi Nuru ianguke njiani, Bwana. Kwa kuwa, tunaamini ya kwamba saa inakuwa imechelewa, jua linazama upesi magharibi, basi hivi karibuni “wakati hautakuwako tena.” Wakati na Umilele vitaungana pamoja wakati Mungu na watu Wake watakapoungana pamoja. Nasi tunaomba, Mungu, ya kwamba, wakati huo, ya kwamba tutahesabiwa miongoni mwa wale watakaounganishwa katika Kristo, wanaoitwa Bibi-arusi Wake.

Tusaidie, leo, tunapojitayarisha, huku hatujui kesho ina kitu gani, bali tuko tayari kupokea chochote, Bwana, kadiri tujuavyo sisi, kile ulicho nacho kwa ajili yetu. Tuko tayari kukipokea. Tunaomba baraka hii kwa ajili ya utukufu wa Mungu, katika Jina la Yesu Kristo. Amina.

Mnaweza kuketi.

3 Hakika nilikuwa na furaha, asubuhi ya leo, wakati nilipoingia na kuona ya kwamba wa—watu wamekusanyika pamoja kwa ajili ya utumishi wa Bwana. Nasi tunatoa tangazo sasa kwa ajili ya usiku wa leo. Kutakuwa na ibada ya uponyaji usiku wa leo. Tutakuwa tukiwaombea wagonjwa, usiku wa leo. Muda mfupi tu uliopita, wao ...

Nilipokuwa nikiingia, Billy, mwanangu, aliniambia, akasema, “Kuna m—mwungwana hapa, huyo ni maskini mtu ambaye amesafiri kutoka umbali mrefu.” Kisha akasema, “Ni—nimemweka chumbani, Baba.”

4 Ni—nilifika nimechelewa jana usiku, na—na sikuweza kusoma sana kwa ajili ya somo la shule ya Jumapili ambalo nilikuwa nizungumzie, asubuhi ya leo. Kwa hiyo nilichukua baadhi ya mihtasari midogo ambayo nilichukua kutoka kwa yale niliyomsikia ndugu mmoja akisema, na nikatoa somo kutoka kwa hayo, kusudi kwa namna fulani nipate somo la shule ya Jumapili asubuhi ya leo; na wakati tukijitayarisha, na kujitayarisha kwa ajili ya ibada ya jioni.

Ndipo Billy akasema, “Kuna mtu mle ndani ambaye ni mgonjwa.” Kasema, “La—la—laiti ungalipita na kumwona.” Kwa hiyo, niliingia chumbani sasa hivi. Na ndugu fulani wa rika langu, na mkewe, wameketi mle ndani. Ndipo Roho Mtakatifu akashuka miongoni mwetu chumbani sasa hivi.

Wazia tu, akitaja tu ibada ya uponyaji, na Yeye alikuwa pale. Mnaona? Naye alimwambia ndugu huyu yote yale aliyokuwa amefanya, na yale aliyokuwa akifanya, na yale yaliyosababisha shida yake, na mahali alipotoka, na yote kumhusu yeye. Na kulikuwa na kivuli kikubwa cheusi kilichoning'inia mle chumbani. Ndipo kukaanza kuingia mwanga zaidi, zaidi, zaidi, na zaidi, kisha Roho Mtakatifu akashika hatamu.

5 Sasa, nafikiri mtu huyo yuko katika ... mahali fulani hapa nyuma sasa. Yeye na mkewe labda hawawezi kuingia jengoni, bali walisema watakaa, hata hivyo, kwa ajili ya ibada. Walitoka huko karibu, karibu na Yakima, Washington, wakaja kwa gari. Naye ni mhudumu wa Injili.

Lakini ni kuona tu neema ya—ya Mungu pale! Ambapo, mtu huyo alikuwa hospitalini naye alitibiwa na kila kitu. Roho Mtakatifu akifunua haya yote. Wakati, madaktari wakijaribu sana kufanya kila kitu walichoweza, labda, kwa ajili ya mtu huyo, bali ilihitaji tu ule mguso mdogo kutoka kwa Mungu, kugeuza wimbi. Matibabu ya mshtuo ni sawa, lakini kwa namna fulani ni kama kile tungeita “kudunga sindano gizani,” mwajua. Wewe, huenda ikakufanya mgonjwa zaidi, mnaona, maana ungesahau kila kitu ulichowahi kujua, wakati wakiweka dawa hiyo ndani yako. Lakini Bwana Mungu, jinsi neema Yake na rehema! Na hata kabla sijatamka neno moja la maombi kwa ajili yake, tayari ulikuwa umekwisha. Mnaona? Ilichukua tu kile kitu fulani cha Mungu, ule mguso fulani, kufanya hivyo.

Sipaswi kusema jambo hili. Naam. Ningeangalia kule, nimwone mtu huyo sasa. Vema, sikujua kama ungeweza kufaulu leo, ama la.

6 Huko mashambani mahali ambako nimekuwa nikikaa, juma hili. Ni—ni—ninawapenda marafiki wangu huko chini. Ni likizo kidogo kabla ya mikutano hii mikubwa, mnaona. Nami nilikuja nyumbani, kushuka kwenda kule na kwenda kuwinda kindi pamoja na ndugu hawa. Na familia hii, familia hizi, hasa, ninazokaa pamoja nazo kule chini, ni watu wazuri kweli. Na mtu huyo, ndugu halisi, marafiki; ni wao.

Na mmoja wao anapenda sana mbwa wa—wa kuwinda. Naye ana kizimba kilichojaa hao kule juu. Na—nami niliona mtoto wa mbwa mkubwa mzuri sana wa kuwindia kule chini, jamaa mdogo, alikuwa ni kile ninachoita hivyo, “nusu mbwa kwa urefu wa wima na mbwa wawili kwa urefu wa mlalo,” mnajua, aliyekuwa—aliyekuwa akikimbia-kimbia kule nyumbani. Nami nikawazia, “Jamani, hivi Joe si angetaka kuwa na kitu kama hicho!”

7 Na, bila shaka, huko Arizona, wasingeweza kumtumia. Angeingia kwenye mipungate, na huo ungekuwa ndio mwisho wake. Kwa hiyo basi nikasema, pia, “Huwezi kumchukua. Hawatumii mbwa kule ndani, sehemu hiyo ya nchi. Maana, wao, vema, kamwe wasingeweza kuwatumia. Wangeninii...pia, hali ya hewa, ha—hali hiyo ya nchi yenye mipungate, nao wangeuawa.” Halafu basi, kweli, mbwa kule nje, m—mbwa mwitu, ama kitu fulani kingemwua, labda, hata hivyo, kama angetoka nje.

Kwa hiyo basi mtu huyu akaniambia, “Unaweza tu kumchukua.” Lakini mimi—mimi nisingeweza kumchukua. Ni—nilithamini jambo hilo. Nikaja kujua, alikuwa ni mmoja wa mbwa anaowapenda sana.

8 Na mtu huyu ana mke mdogo mzuri na watoto wadogo. Na hivi majuzi, alianza kurudi na gari lake, naye alikuwa na gari hili la Oldsmobile. Na maskini mbwa huyo ni mrefu tu hivyo, kitoto tu cha mbwa. Naye alimkanyaga moja kwa moja. Oldsmobile hiyo ikimkanyanga moja kwa moja mbwa huyo mdogo, mgongoni mwake hapa, ikamponda kabisa, ambapo mawe ya barabarani yalikuwa yamemchoma tumboni mwake hapa, mnajua. Ndipo—ndipo maskini mke huyo, badala ya kumpeleka haraka mbwa huyo mdogo kwa huduma ya utabibu wa mifugo... Bila shaka, huduma ya utabibu wa mifugo ingemfanya alale mara moja, na kumwua. Mnaona?

Kulikuwa na kijana mwingine pamoja nami. Na mara alipofika pale, kasema, “Kama huyo alikuwa ni mbwa wangu, ningempiga risasi.” Kasema, “Hivyo tu. Ati nimwache ateseke namna hiyo?”

Nikasema, “Vema, hebu tusipige risasi.” Nikasema, “Hebu tungoje kidogo.”

Nikamwondoa kila mtu, nami nikaenda nikamwomba. Maskini kitoto hicho cha mbwa kikanifuata sebuleni. Na yeye, [Kusanyiko linashangilia—Mh.] naam, yeye... Mnaona? “Yoyote mnayotaka, mkiimba, aminini ya kwamba mnayapokea; yatakuwa yenu, mtapewa.” “Yoyote.” “Yoyote.” Huyo ni Bwana Mungu wetu. Sivyo? [Kusanyiko linasema, “Amina.”] Yeye—Yeye ni wa ajabu sana na ni mzuri sana. Na hakika tunampenda, asubuhi ya leo; na tunamtarajia, na kujua.

9 Niliwaona, hivi majuzi, m—mtu na mke wazee, mama na baba wa mshiriki mzuri sana wa kusanyiko hi—hili la waaminio. Na mama huyo ni, loo, nadhani amekaribia umri wa miaka mia moja, na baba hivyo, pia. Na kwa karibu miaka kumi na miwili mtu huyu hajapata kusogea; kichalichali, amelala tu moja kwa moja. Ama, hawezi kulala kwa upande mmoja, wala chochote. Alilala pale kwa muda wa miaka kumi na miwili. Uzee tu! Na mama sasa ni karibu rika lake, nadhani, karibu na mia moja, na maskini mama huyo karibu amepoteza akili zake. Anafikiri mtu fulani anachukua yote aliyo nayo.

Nami niliangalia ninii...upande wa pili wa meza, kwa sisi wote, vijana kwa wazee, tulioketi pale. Nami nikasema, “Tunaelekea wapi? Tunafanya nini?” Na yule mama niliyekuwa nikikaa naye wakati huo, huyo alikuwa ni mama na baba yake. Nami nikasema, “Unaelekea upande huo, pia. Hakika, kila mmoja wetu.” Mnaona?

10 Wazia tu jambo hilo, kwa muda mfupi tu, kabla hatujaanza somo letu. Huko ndiko unakoelekea. Unashindania nini? Kusudi upate kuishi. Unaishi kwa kusudi gani? Kusudi upate kufa. Hivi si lingekuwa ni jambo la kijinga kama tusingelikubali sheria ya Mungu ya Uzima wa Milele? Tungeweza kuwazia nini? Ni—ni kitu gani kingekuwa niani mwetu, ambacho kingevutia usikivu wetu kutoka...kuelekea chochote? Vipi kama ulikuwa na dola milioni mia moja, na ulimiliki mkoa wa—wa Indiana, ama mkoa mwingine wowote, ama hata taifa, ama, kwa kusudi hilo, ulimwengu mzima?

Ukiishi muda mrefu kutosha, huna budi kufikia jambo hilo, pia. Mnaona? Na daima, siku baada ya siku, kila wakati moyo wako unapopiga, unaelekea moja kwa moja kwenye jambo hilo. Mnaona? Wewe, hakuna ushindi kwako. Uko upande wa kushindwa, na, wewe, huna budi kushindwa. Lakini kumbuka ile ahadi, ya kwamba, “Yeye atakayeyapoteza maisha yake kwa ajili Yangu atayapata.” Sasa, ni kitu gani kingekuwa cha thamani zaidi kupata kuliko Uzima, ingawa ungalipata ulimwengu mzima kuwa ni mali yako? Lakini, kama uki—kama ukipata Uzima, umepata kitu kikuu kuliko vyote kinachoweza kupatikana. Ninataka kuninii ...

11 Niliangalia upande wangu wa kushoto na nikaona tena, sasa hivi, kumbukumbu lingine la neema ya Bwana. Yapata majuma machache yaliyopita, niliitwa kwenye simu. Na mshiriki mzuri wa kanisa hili, ama mwili huu ... Sitaki kuliita hili zaidi sana kama kanisa. Na—nataka kuita jambo hili, kwamba ...

Kama vile nilivyokuwa nikizungumza na watu fulani, wao walisema, "Vema, wewe ni wa kanisa gani?"

Nikasema, "Mimi si mfuasi ..."

"Wewe ni wa dhehebu gani?"

Nikasema, "Hakuna."

Kasema, "Vema, wewe ni wa kitu gani?"

Nikasema, "Ufalme."

Ufalme! "Na kwa Roho mmoja tunabatizwa katika Ufalme huo." Kwa Roho mmoja, wote, katika Ufalme huu! Yesu alisema, "Ombeni, 'Ufalme Wako na uje. Mapenzi Yako yatendeke duniani, kama huko Mbinguni.'" Sasa, Yeye alisimama siku moja mbele ya Mlima wa Kugeuka Sura, akasema, "Amini nawaambia, ya kwamba wapo katika hawa wanaosimama hapa, ambao hawataonja mauti, hata watakapouona Ufalme ukija kwa nguvu." Ulioneshwa mbele, kama tulivyolipitia hilo, Mlima wa Kugeuka sura. Na Biblia ilisema, "Ufalme wa Mungu umo ndani yenu." Kwa hiyo, hawa ni watu wa Ufalme wanaokiri ya kwamba haya si makazi yao. Hapa si nyumbani kwetu. Tunatarajia Kuja kwa Mfalme, kuanzisha Ufalme.

12 Niliitiwa jambo la dharura, ya ndugu m—mzee ambaye amekuwa ni kama baba kwangu. Naye ... Sikuwa nimemjua kwa muda mrefu sana, bali ninakumbuka siku niliyomleta hapa kwa ajili ya ubatizo wa maji. Na mtu huyo hivi karibuni atakuwa na umri wa miaka tisini na moja. Na mke wake mzuri sana alinipigia simu, naye akiwa ni nesi, kasema, "Moyo wake ulikoma kabisa." Mbali na hayo, alikuwa ... Loo, ninauita...siwezi kukumbuka jina lake. Mshtuko wa moyo. [Dada fulani anasema, "Ugonjwa wa moyo."—Mh.] Mshtuko wa moyo. Asante. Ugonjwa wa mshtuko wa moyo, na kukoma kabisa kwa moyo. Daktari hakutoa matumaini yoyote, hata kidogo. Naye mtu huyo alikuwa anakufa, naye akaniita.

13 Ndipo niliingia kwenye maskini Ford yangu kuukuu, na nikaanza kwenda barabarani kuelekea Ohio, mbio nilivyoweza. Wala sikujua, gurudumu langu moja lilikuwa kombo, likapasua tairi ikatoka. Kwa hiyo basi mimi...nikifika kule. Nikitoka kwenye kituo cha mafuta, yapata saa tano. Nilikuwa na wasiwasi juu yake. Ni—ninampenda. Nami ninajua, kama—kama ikiendelea, Bwana akikawia, mbona, punde si punde, itatulazimu kuachana.

Lakini, hilo halitavuruga Unyakuo, sasa. Mnaona? La. Wanakuja kwanza, basi. Hao wana majaliwa, waliotutangulia. Watakuja kwanza. Mnaona? Mnaona? "Sisi tulio hai tutakaosalia, hata wakati wa Kuja kwake Bwana, hatutawatangulia ama kuwazuia hao waliokwisha kulala mauti. Baragumu ya Mungu italia; waliokufa katika Kristo watafufuka kwanza. Ndipo macho yetu yatakapowaona wapendwa wetu, ndipo tutabadilishwa, muda si muda, kufumba na kufumbua, nasi pamoja nao tutanyakuliwa pamoja." Mnaona? Wale wanaoenda kwanza wana majaliwa kuliko wale walio hai.

14 Nilipokuwa nikitoka kwenye kituo hicho, kwenye saa tano tu, Roho Mtakatifu aliniambia, "Usiwe na wasiwasi juu yake. Utampa mkono, barabarani tena, naye atakuja kanisani," mtu mwenye umri wa miaka tisini na moja, akifa.

Nilipokutana na mke wake na wapendwa wake hospitalini huko Lima, waliniambia kuhusu hali yake. Nikaingia, nikamwalia mle ndani. Akasema, "Lakini yeye ni kitu cha ajabu." Kasema, "A—alianza kupata nafuu, saa tano." Vema, nami ninge ... Bwana alikuwa amewaonesha watu hao mambo mengi sana, wanajua ya kwamba sikusema tu jambo hilo. Kwa sababu, waliniambia kwanza, "Yeye alianza kupata nafuu." Walijua ya kwamba ningewaambia ukweli.

Kwa hiyo, Jumapili iliyopita, nilipokuwa nikienda kwenye Mkahawa wa Blue Boar huko Louisville, ambako ninafikiri karibu asilimia themanini ya kusanyiko hili wanakusanyika Jumapili alasiri, kula, ni nani niliyemwona akishuka kuja barabarani? Nawaambia, moyo wangu ulitetemeka wakati nilipomwona Ndugu yetu Dauch akishuka kuja barabarani, jinsi hasa Yeye alivyoniambia. Nilimpa mkono, ba—barabarani.

15 Ndipo ni—nikarudi hapa kwa ajili ya Jumapili iliyopita usiku na kuzungumza juu ya somo la umoja, la *Kuungana Kwa Ishara ya Wakati*. Kwa hiyo ... Na ndipo hilo likatimiza jambo hilo, vile tu Yeye alivyosema. Na hapa ameketi kanisani leo, papa hapa karibu nasi, kama zawadi ya neema ya Mungu. Nilipokuwa nikimpa mkono chini ya hema, hema ya oksijeni aliyokuwa chini yake, nilisema, "Ndugu Dauch, utapona. Nitawaona kanisani tena. Hiyo, hiyo ni BWANA ASEMA HIVI." Mnaona? Huyu hapa ameketi kanisani, papa hapa sasa, Ndugu Dauch.

16 Kama sijakosea, yule mhudumu niliyesema habari zake, muda mfupi uliopita, Roho Mtakatifu aliingia na kuyafunua mambo haya yote; akamwambia jinsi ilivyotukia, na akamwambia yale aliyofanya; jinsi ilivyotukia, jinsi lilivyotimia, yote ambayo yamekuwa yakitukia tangu wakati huo, hata kuhusu tabia ya familia yake, na yote kuhusu hayo. Na kumwambia, ya kwamba, "Imekwisha." Na mhudumu ameketi papa hapa, kwenye mkono wa kuume. Ungeweza tu kuinua mkono wako, bwana? Pale, yeye na mke wake,

hakika, sasa hivi.

Huyu hapa Ndugu Dauch ameketi, papa hapa sasa. Loo, jamani!

Yeye si ni wa ajabu? [Kusanyiko linasema, "Amina." — Mh.] "Mambo hayo yaliyokuwako, yaliyopo, na yatakayotukia." Shahidi mmoja, wawili, watatu. "Mambo yaliyokuwako, yale uliyofanya; mambo yanayoendelea sasa; na mambo yatakayotukia." Na kila wakati, hasa, hasa juu ya Neno. Huyu ni Mungu tu anayeweza kufanya jambo hilo. Loo! Hivi hatufurahii sana mambo haya? ["Amina."]

17 Sasa, sababu ya mimi kuchukua muda kidogo tu wa ziada, ilimbidi Billy kwenda kumchukua mke wake na mtoto mchanga. Naye akasema, "Baba, usianze kuhubiri mpaka nitakaporudi." Kwa hiyo, na—nafikiri amerudi sasa. Nami ninapaswa kuwa na wakati mwingi kiasi hicho, hata hivyo. Nami ninajaribu kuondokana na hizi saa nne za uchovu wa akili ambazo mimi huwaweka ninyi nyote hapa, na kuufanya dakika thelathini na tano, arobaini, unaona, na kujaribu kuudumisha.

Sasa, nilipongezwa wakati mmoja huko Chicago. Niliifikia dakika thelathini, ama kitu kama hicho, dakika thelathini na tano. Na usiku wa Jumapili iliyopita ulikuwa ni wa dakika arobaini na tano tu. Billy alisema, "Kweli unafanya vizuri zaidi, baba. Kwa namna fulani ninakujivunia, kwa ajili ya jambo hilo."

Vema, labda, asubuhi ya leo, kuifanya kidogo kama shule ya Jumapili, sitawaweka muda mrefu sana. Ndipo unaweza kutoka na kula chakula chako cha mchana, na kuomba, na kurudi usiku wa leo kwa ajili ya ibada za uponyaji. Tutaunda mstari wa maombi usiku wa leo na kuwaombea wagonjwa.

18 Sasa, kama unawajua watu wo wote, po pote, walio wagonjwa na wanaotaka kuombewa, walete hapa usiku wa leo. Mnaona? Kama inawabidi kuwaleta, kwa njia yo yote, walete hapa. Mnaona? Hilo ndilo jambo muhimu, ni, kuwaleta hapa usiku wa leo. Sote tunakutana pamoja. Kwa njia hiyo ... Ni vigumu kuwaita, tukienda mahali baada ya mahali; ndipo unamwacha mtu fulani, nao wanakasirika. Lakini kama ninaweza kuwaweka wote mahali pamoja, basi ningeweza kuwaombea. Sasa, kama mtaninii ... Kama watu wanataka kuombewa, wao ... Unasema, "Wataombewa?" Loo, hakika. Wataombewa. Waleteni humu. Bwana akipenda, tutakuwa hapa, tumwombea kila mtu. Maana, ninajisikia ya kwamba mvuto huo wa tatu unaanza kusogea, mnaona, ukiwa—ndani yangu. Nami ni—ni—ninataka kumwombea kila mtu.

19 Sasa hebu tufungue, asubuhi ya leo Maandiko ya kale yanayojulikana ambapo kwa namna fulani niliyachagua kwa haraka jana usiku, nikiwa nina usingizi mzito sana, na nikaandika Maandiko mengine machache ya kuambatana nayo. Na nikichukua kama kwamba ni nyongeza. Nilimsikia ndugu fulani, wakati mmoja, akitumia kifungu hiki. Nami nikawazia ... Nilikiandika. Nikawazia, "Vema, ninaamini nitaandika hicho, maana huenda kikasaidia."

Mara nyingi tunafanya hivyo. Ninaona, wengi wenu hapa, walikuwa na kipande cha karatasi. Na mhudumu anaweza kuwa akisema jambo fulani, na ndipo uta—utafikia hatua hiyo, kitu fulani kitapiga ndani yako. Na halafu kama Roho Mtakatifu anafanya hivyo, basi utanza kujenga kutoka mahali papo hapo, ujumbe wa Bwana. Na hilo ni sawa. Nimeona katika mikutano, popote uendapo, wahubiri tu na watu wakiandika. Hilo ni sawa. Tu—tupo hapa, hilo ndilo lililotuleta hapa, ni kujaribu kusaidiana mmoja kwa mwingine kwenye barabara hizi.

20 Na sasa hebu tufungue Ufunuo, mlango wa 3, kwenye nyakati za kanisa, kurudia wakati wa kanisa. Lakini sasa tunaninii...tuna...pale. Naam. Ningeweza kuchukua fungu hili moja la maneno, na kwa Roho Mtakatifu, nihubiri juu Yake miaka mia moja na wala nisiweze kutoa kilicho ndani Yake. Kwa sababu, katika fungu hili moja la maneno, kama mafungu mengine yote ya Biblia, yote yamefungwa pamoja.

Nami ninataka kuchukua somo langu, asubuhi ya leo, juu ya hili: *Ninawezaje Kushinda?* Sasa, nilichagua hili kwa sababu ninafikiri ni wakati ambapo hatupaswi kuacha Roho ya uamsho ife. Inatupasa tudumu katika uamsho, tuhuishwe daima, kila siku. Paulo alisema ilimbidi "kufa kila siku, kusudi Kristo aweze kuishi." Na hatupaswi kamwe kuachilia uamsho huo ufe, ndani yetu.

Sasa, Ufunuo, mlango wa 3, na kuanzia na kifungu cha 21, tunasoma jambo hili.

*Yeye ashindaye, nitampa kuketi pamoja nami katika kiti changu cha enzi, kama mimi... nilivyoshinda nikaketi pamoja na baba yangu katika kiti chake cha enzi.*

*Yeye aliye na sikio, na alisikie neno hili ambalo Roho ayaambia makanisa.*

21 Je! mliona lile—lile 'pangilio la jambo hilo? Mnaona? "Kuketi pamoja nami *katika* kiti Changu cha enzi," si "*juu* ya kiti Changu cha enzi." "*Katika* kiti Changu cha enzi," hiyo ni katika milki Yake. Mnaona? Na hapo, kwa—kwa kuwa Kristo ndiye Mtawala, Mtawala wa kiti cha enzi wakati huu, wa milki nzima ya Mungu, ndivyo Kanisa litakavyokuwa pamoja Naye, Bibi-arusi atakavyokuwa pamoja Naye, katika kiti Chake cha enzi, katika milki yote. Mnaona? Si "*juu* ya kiti Changu cha enzi," bali "*katika* kiti Changu cha enzi," mnaona, ambapo milki Yake inafikia. Kiti cha enzi kiko juu ya milki, na—na milki inafikia umbali wa mipaka yake. Na hii ni kutoka Umilele mpaka Umilele. Wazia tu jambo hilo!

22 Sasa, tunaposoma hili, kusudi langu la hili si kuja tu hapa ku—kushiriki pamoja nanyi watu. Ambapo, ninapenda kufanya hivyo. Lakini kama—kama ningalikuwa na nafasi ya kufanya jambo hilo, ningalikuwa nyumbani kwenu, na kuwapa mkono na kuzungumza nanyi, na kuketi chini, nile chakula cha jioni pamoja nanyi; na kuketi chini, chini ya mti wenye kivuli, na kuzungumza na kushiriki kidogo.

Lakini tunapokuja hapa, tuko hapa kwa kusudi moja maalum. Hii ni nyumba ya masahihisho. Hiki ndicho kiti cha enzi. Hiki ndicho kiti cha enzi cha Mungu, na hukumu hutoka katika nyumba ya Mungu. Na hapa ndipo tunapokutanika, kukusanyika katika upendo, sisi kwa sisi, kwa kuwa ni Wakristo tu wanaoweza kupenda. Lakini, humu ndani, tuko—tuko chini ya u—u—u—uongozi wa Roho Mtakatifu. Roho Mtakatifu yuko miongoni mwetu. Nasi tupo hapa kuwa...kuchukua hesabu miongoni mwetu, kuona mahali ambapo tumepungukiwa, unyonge wetu, na jinsi tunavyoweza kufikia mahali tunapopaswa kuwa, kufikia mahali tunapopaswa kuwa sasa; mahali tulipo, na mahali tunapopaswa kuwa. Na hivyo ndivyo tunavyojifunza. Wahudumu hujifunza sehemu hizo, kwa ajili ya watu wao. Wanapowaona watu, wanakopungukiwa, basi wanaanzia kwenye hilo.

23 Sasa, hivi karibuni, nafikiri ya kwamba kanisa labda linapaswa kuwa likichukua hatua ndogo kupanda juu zaidi wakati huu. Sikusudii kufanya hivyo asubuhi ya leo, kuwaonesha mambo haya. Lakini na—nafikiri, baadaye kidogo, Bwana akipenda, kabla hatujahubiri juu ya hizo Baragumu, ninataka ku—ku—kuliletea Kanisa kitu fulani tu ambacho—ambacho mnapaswa kujua, ninaamini, sasa.

24 Na sasa tunazungumza juu ya jambo hili, “kushinda.” Neno *kushinda*, bila shaka, mnajua maana yake. Huna budi kuwa na kitu cha kushinda. Na wakati huu wa kanisa ambao Roho Mtakatifu alikuwa akinena habari zake hapa, kwenye Wakati wa Kanisa la Laodikia, kama vile ambavyo tumeupitia hivi punde, ulipaswa kukemewa. Laodikia ulipaswa kukemewa, kwa sababu ya ku—kutomjali Kristo. Ulikuwa umemweka Kristo nje, katika—katika wakati wao. Naye Kristo alikuwa nje, akijaribu kurudi ndani. Huo ni upendo. Baada ya Yeye kufukuzwa katika nyumba Yake Mwenyewe, alikuwa akijaribu kurudi, na kusema, “Yeye atakayefungua mlango, nitaingia kwake.” Mnaona? Kanisa, lenyewe, kwa jumla, lilikuwa limemtoa nje.

Lakini sasa angalia. Wito wake hapa si kwa kanisa tu. “Yeye ashindaye.” Mnaona? Siyo kanisa; hilo lingekuwa ni mke, mnaona, mwili wa kanisa. Lakini ni “yeye ashindaye,” mtu binafsi atakayeshinda, sasa.

25 Naye Laodikia alikuwa amemjia. Sasa tunaona, basi, tukijua ya kwamba huu ni Wakati wa Laodikia, na tukijua ya kwamba wakati huu unahitaji kukemewa vikali kutoka kwa Mungu. Unahitaji kukemewa vikali. Na makasisi wetu wanapokuwa wanyonge sana na wazembe, kama babu mwenye umri mkubwa kwa wajukuu wake, yote wafanyayo ni makamilifu. Nao wananii...

Imesemwa sana, ya kwamba Mungu ni Mungu mwema sana, mpaka wanajaribu kumfanya Mungu babu mkubwa mzembe. Mnaona? Lakini Yeye sivyo alivyo. Yeye ni Baba, na ni Baba wa haki, wa marudio. Na upendo daima husahihisha. Mnaona? Upendo husahihisha. Haidhuru unaumiza jinsi gani, ungali unasahihisha.

Mama halisi atawasahihisha watoto wake. Baba halisi atasahihisha. Mnaona? Kama ukiwa tu mwepesi na mnyonge, na uache ...

26 Nilikuwa nikivuka gogo lililochakaa hivi majuzi, kushuka kwenye ki—kijito, ama kinachoitwa bonde. Nami nikaruka juu ya gogo hili. Kwa nje, lilionekana ni zuri, lilionekana kama gogo kubwa lililochakaa la mti wa bichi. Lakini nilipolirukia, loo, kipande kikubwa chake kilianguka. Kilikuwa kimeoza kabisa na kuchakaa. Nikasema, “Hivyo ndivyo Wakristo wanavyokuwa.” Wamekwisha kufa katika dhambi na maovu, kwa muda mrefu sana, hata wamevunda. Hawawezi kustahimili uzito wowote, hata kidogo. Ha—hawajui maana ya kushinda. Ndipo nikaanza kuwazia juu ya somo hili, wakati huo. Kushinda, kudumisha Uzima ndani yako. Wakati uhai ulipotoka, hilo ndilo lililosababisha gogo hilo kuwa katika hali hiyo. Mnaona? Na ilifanya hali yake kuwa mabaya zaidi kuliko wakati lilipokaa kwenye tawi ambako kulikuwa na maji.

27 Halafu basi, hapo, ukimchukua Mkristo, ambaye anadhaniwa kuwa Mkristo, acha Uzima wa Mungu umtoke, na ule ujuzi, ile furaha ya kumtumikia Kristo; na, akiishi kwenye kanisa ambako mambo haya yanaendelea, ataoza upesi maradufu, kweli, akiishi moja kwa moja chini yake.

Kwa hiyo, kama tunajaribu kuufuata Ujumbe wa wakati huu, ama angalau sehemu hii ya Ujumbe, inatupasa kuishi daima katika maisha ya Kristo. Mnaona? Maana, tusipoishi, ukikaa hivyo, na kujua Hayo, mambo haya unayopaswa kufanya, wala huyafanyi. Biblia ilisema, “Yeye ajuaye kutenda mema, wala hayatendi, kwake ni dhambi.” Ndipo unakuwa mzembe, umeoza, unapotengwa na Uzima wa Mungu. Kwa hiyo, jitahidi kwa yote yaliyo ndani yako, kudumu katika Uzima wa Kristo, upate kuzaa matunda.

28 Tunaona wakati huu tunaishi. Ni mmoja wa nyakati nzuri sana za nyakati zote. Wakati huu wa Kanisa la Laodikia ndio mzuri sana kuliko nyakati zote za kanisa, kwa maana ni mwisho wa wakati na kuungana kwa Umilele. Na, basi, ndio wakati ulio mkuu sana wa dhambi. Kuna dhambi nyingi zaidi katika wakati huu kuliko zilizopata kuwapo. Na nguvu za Shetani ni—ni ngumu zaidi kupigana nazo kuliko

ilivyokuwa katika wakati wowote. Mnaona? Hapa!

Huko nyuma katika nyakati za mwanzoni, Mkristo angaliweza, kwa ushuhuda wake wa kuwa ninii wa kanisa...wa kuwa yeye ni wa Kristo, angeweza kukatwa kichwa kwa sababu hiyo. Angeweza kuuawa, na kuondolewa kwenye shida zake, na aende kukutana na Mungu, upesi.

Lakini sasa adui ameingia, katika jina la kanisa, naye ni mdanganyifu sana. Huu ndio wakati mkuu wa udanganyifu. Wakati, Kristo alisema hivyo, "Roho hizo mbili zitafanana sana katika siku za mwisho hata zingewadanganya walio Wateule kama yamkini." Mnaona? Mnaona? Mnaona? Kumbuka, Kristo alinena juu ya watu fulani walioteuliwa kwa ajili ya siku ya mwisho. Mnaona? "Ingewapoteza walio Wateule kama yamkini." Kufanana sana! Watu waishi hivyo, watu wanaweza kuishi maisha safi, matakatifu; wasiwe watenda dhambi, wazinzi, na walevi, na wadanganyifu, wacheza kamari. Wanaweza kuyaacha hayo, na bado wasiwe Naye. Hiyo ni kweli.

29 Huu ndio wa—wakati wa Uhai, Uhai binafsi wa Kristo, ambapo, ke—kemia ya Mwili Wake, kile kilichokuwa ndani Yake.

Kwanza, chini ya kuhesabiwa haki, ubatizo wa maji. Pili, chini ya Kuzaliwa upya, kwa Wesley, utakaso, ambao hutakasa. Na ya tatu, chini ya ubatizo wa Roho Mtakatifu, kukiweka kazini hicho chombo kilichotakasa. Mnaona? Neno *kutakasa* linamaanisha, ni neno la Kiyunani lenye sehemu mbili ambalo linamaanisha "kusafishwa na kutengwa kwa ajili ya matumizi," kutengwa kwa ajili ya matumizi. Sasa Roho Mtakatifu hukiweka katika matumizi. Mnaona?

30 Nasi tutaona, "Roho mchafu amtokapo mtu, hupitia mahali pasipo maji." Hivyo ndivyo kanisa limefanya hasa, Wabaptisti, Wamethodisti, hao walioamini katika utakaso. "Kisha," Yesu alisema, "pepo mchafu aliyetoka, anarudi kwenye mwili huu wa kanisa na kukuta nyumba iliyopambwa, ikafagiwa ikawa safi sana, inaishi maisha safi, yasiyo na hatia." Vema. "Lakini basi kama nyumba hiyo haijazwa, ikakaliwa, ndipo anaingia na pepo wengine saba waovu walio wabaya kuliko alivyokuwa yeye, na hali ya mwisho ya mahali hapa ni mbaya mara saba kuliko ilivyokuwa mara ya kwanza." Ilikuwa ni bora wao kukaa wakiwa Walutheri, kuliko ambavyo ingekuwa kupokea hiyo Nuru na kushindwa kuifuata. Ndivyo itakavyokuwa kwa Wapentekoste, mnaona, mnajua ninalimaanisha, nyumba imepambwa.

31 Kama nilivyokuwa nikizungumza na mtu mmoja, hivi majuzi, kasema, "Wao ni waangalifu sana, hata wengi wa makundi ya utakatifu, kutomwita Roho Mtakatifu, 'Holy Ghost,' maana wanajitambulisha na Wapentekoste wanapofanya hivyo. Wanasema, "Holy Spirit," mnaona, wasije wakasema, 'Holy Ghost.'" Kwa sababu, Wapentekoste, watu wa kawaida, wanamwita tu vile Biblia inavyosema, "Holy Ghost." Ambapo, Holy Spirit na Holy Ghost ni kitu kile kile. Bali wao ni waangalifu sana kuhusu jambo hilo. Hawataki kujitambulisha na hao watu wanaonena kwa lugha; na huyo ni Roho Mtakatifu, Mwenyewe. Mnaona?

Ni nini kilitukia basi? Wakati adui, aliyetoka akaenda chini ya utakaso, aliyekuwa ameoshwa, aliporudi na kukuta nyumba haijazwa na Roho Mtakatifu, sasa hali ya kanisa imeungana na—na shirika la makanisa, na Baraza la Makanisa Ulimwenguni. Na ni hali sasa inayowaunganisha na Ukatoliki wa Kirumi na hayo mengine yote, na sasa limekuwa baya mara saba kuliko lilivyokuwa wakati lilipotoka katika Ulutheri. Huko ndiko mwanadamu anakolipeleka.

32 Halafu basi angalia Wakati wa Kanisa la Laodikia baada ya kumpokea Roho Mtakatifu, na pamoja na maarifa na Roho wa Mungu ndani Yake, na halafu kazi za Mungu zinakanushwa nalo, na kuiita "kazi chafu." Basi vipi kuhusu jambo hilo? Hapo ndipo Kristo anawekwa nje ya kanisa Lake Mwenyewe. Mnaona? Yeye ... Halikumwonyesha Yeye akiwa kanisani mpaka ilipofikia kwenye Laodikia; na wakati alipofika Laodikia, alikuwa ametolewa kanisani Mwake, akijaribu kurudi ndani.

Sasa, mnaona, kuhesabiwa haki kamwe hakukumwingiza ndani. Utakaso ulipasafisha tu mahali hapo kwa ajili Yake. Bali wakati ubatizo wa Roho Mtakatifu ulipokuja, ulimweka ndani ya watu. Na sasa wao walimfukuza, wakati alipoanza kujionyesha Mwenyewe, kwamba ni Yeye yule jana, leo, na hata milele. Walimfukuza kwa sababu wameunda madhehebu, na Ro—Roho wa Bwana hakubaliani na madhehebu yao. Mnaelewa sasa? [Makusanyiko yanasema, "Amina." — Mh.] Kwamba, walimweka Yeye nje. "Hatutaki uhusiano wowote na telepathia hii. Ni—ni ya ibilisi. Ni kupiga ramli. Ama ..." Mnaona?

Hawaelewi. "Macho, wala hawawezi kuona; masikio, wala hawawezi kusikia." Mnaona? Mungu huyafungua tu macho anavyotaka Yeye. "Yeye huwafanya wagumu wale anaotaka kuwafanya wagumu, anaotaka kuwafanya, na—na—na anawapa Uzima wale anaotaka kuwapa." Hivyo ndivyo Maandiko yalivyosema.

33 Sasa, tunaona saa hizi tunazoishi, kiwango hiki, na tunaona kwamba ilikuwa ni kitu gani. Na Roho Mtakatifu anaukemea wakati uliomtoa nje. Lakini, katika hayo yote, je! mlitambua, "Yeye ashindaye"? [Kusanyiko linasema, "Amina." — Mh.] Hata katika wakati huo wa kanisa la kilimwengu, mchafu, "Yeye ashindaye."

Tunaona hapa ya kwamba Mungu daima amekuwa na washindi. Yeye amekuwa na washindi katika kila wakati. Daima wapo, kila wakati, katika kila wakati ambao umekuwapo duniani, Mungu daima amekuwa na mtu fulani ambaye angeweza kuweka mikono Yake juu yake, kama shahidi duniani. Kamwe hajakuwa bila shahidi, ingawa wakati mwingine ni mmoja tu. Lakini mtu fulani anashinda, sasa, kama watakatifu wa kale.

34 Na mtu m—mzuri sana, msomi, alikuwa akisema, baada ya *Ile Mihuri Saba*, yeye alisema, “Ndugu Branham, kwa kuwa wewe ni m—mfananishi, ni mwenye kuainisha, hasa,” kasema, “utawezaje kuweka Kanisa hilo katika Unyakuo pasipo ule wakati wa Dhiki, katika mfano?” Yeye alisema ...

Mnaona, kama ni mfano, hapana budi kuweko na...hakuna budi kuweko...Kama kuna mfano wa kufananishia, hapana budi kuweko na mfano utakaotoka kwenye huo mfano wa kufananishia. Na kila kitu ninachosema, hicho ni kweli, kina mfano. Kina mfano wake. Una kivuli. Nayo Biblia ilisema, “Mambo ya kale yalikuwa ni mfano wa mambo mapya yatakayokuja.”

Yeye alisema, “Lakini sasa ulichukua Agano la Kale kama mfano. Sasa,” akasema, “utafanyaje na Kanisa hili?”

35 Mtu huyu anatoka kwenye ninii... Mtu mkuu, mwalimu mashuhuri ambaye ni rafiki yangu msiri, mtu mkarimu sana, naye ni ndugu mzuri sana. Ni—nisingethubutu kusema neno moja dhidi ya ndugu huyo. Nisingesema, hata hivyo. Kama—kama ... Kama Mkristo, nisingesema neno dhidi yake. Ha—ha—hakubaliani nami juu ya somo hilo moja, bali ye—yeye ni ndugu yangu wa thamani. Tunakula pamoja. Na, loo, yeye ni jamaa mzuri tu. Mimi huchukua gazeti lake, nasoma makala yake. Naye huandika baadhi ya ya kwangu, na kadhalika. Nami nimechukua masomo mengi kutoka kwenye ya—yale nimesoma—soma ya makala yake, niliyomsikia akisema. Yeye ni mtu mashuhuri, bali ha—hawezi kamwe kukubaliana nami. Ninathamini jambo hilo, kuhusu uaminifu wake. Ingawa yeye haninii tu, mmoja wa hawa wenye kusukumwa kwa urahisi, wenye kukubaliana tu na kila kitu unachosema. Yeye ana ushawishi wake mwenyewe, naye huusimamia. Ninathamini jambo hilo. Naye ni mtu mzuri. Loo, mimi—mimi si mwalimu wala msomi, hata kidogo, bali mtu huyu ni mwalimu na msomi pia.

36 Lakini si—siwezi kukubaliana naye, maana silioni. Lakini, halihusu wokovu, linahusu Kuja kwa Bwana. Yeye anaona ya kwamba Kanisa halina budi kupitia kwenye wakati wa ile Dhiki, kwa ajili ya kusafishwa. Nasema Damu ya Yesu Kristo ililitakasa Kanisa. Mnaona? Halihitaji ninii...

Ninaamini ya kwamba kanisa linapitia katika wakati wa ile Dhiki, kanisa la kidhehebu, bali Bibi-arusi hapitii. Je! ungemchagua mwanamke ambaye ilikubidi kumsafisha kabla ya wewe kumwoa? Mnaona? Bibi-arusi wa Kristo amechaguliwa, pia ni Mteule. Naye ni Bibi-arusi wa Mungu, Bibi-arusi wa Yesu Kristo.

37 Na sasa yeye alisema, “Utafananishaje hilo, kama huyo Bibi-arusi akiondoka, akiondoka kabla ya kupitia kwenye ule wakati wa Dhiki?” Kasema, “Nina Maandiko yanayokuonyesha ya kwamba Kanisa liko katika wakati wa ile Dhiki.”

Nikasema, “Hebu soma tu Mhuri wa Sita, hivyo tu, yeye yuko moja kwa moja pale chini ya wakati wa ile Dhiki. Lakini angalia, kabla tu ya hapo, Bibi-arusi amekwisha kuondoka. Mnaona? Yeye yuko Utukufuni wakati huo. Yeye hana utakaso.” Mnaona?

“Yeye aniaminiye Mimi yuna Uzima wa milele, wala hataingia hukumuni ama kwenye ile Hukumu, bali amepita kutoka mautini kuingia Uzimani.” Kristo alitoa ahadi ya kwamba hata tusingesimama Hukumuni. Yeye alipachukua mahali pangu kwa hiari Yake, mpaka mimi ni huru kabisa. Ninaposamehewa, nimesamehewa. Anawezaje kunitoa katika duka la rehani, nina risiti dhahiri, kama... Anawezaje kuwa Mkombozi wangu, na kunitoa kwenye duka la rehani, kisha dalali aendelee kusema mimi ni mali yake? Ninayo risiti iliyoandikwa, amina, mnaona, iliyoandikwa kwa Damu ya Yesu Kristo. Mnaona? Sasa, katika jambo hilo, hapa ndipo tulipofikia.

Yeye alisema, “Sasa, utapataje, kumtenganisha huyo Bibi-arusi mteule unayenena habari zake sasa, utamwekaje Huyu chini ya mfano?”

38 Nikasema, “Vema sana.” Ninasema, “Hili hapa. Sasa, katika Mathayo, mlango wa 27 na kifungu cha 51.” Kama tukiniii...

Hebu nilisome tu, na ndipo tu—tutalipata vizuri. Ndipo tutaona kama ilioneshwa kwa mfano ama haikuoneshwa, kama ni Bibi-arusi aliyeteuliwa. Mathayo, mlango wa 27 na—na kifungu cha 51. Vema. Tunasoma hili, wakati wa kusulibishwa kwa Bwana wetu.

*Na tazama, pazia la hekalu likapasuka vipande viwili toka juu hata chini;...*

39 Sasa, hiyo ilikuwa ni torati. Torati iliishia papo hapo. Kwa sababu, lile pazia lilitenga kusanyiko na vitu vitakatifu vya Mungu. Ni kuhani aliyetiwa mafuta peke yake aliyeingia mle, na, hilo, mara moja kwa mwaka. Mnakumbuka? [Kusanyiko linasema, “Amina.” — Mh.] Sasa, Mungu, kwa mkono Wake Mwenyewe,

angalia, "tangu juu hata chini," si kutoka chini hadi juu. Lina urefu wa futi arobaini. Angalieni, si toka chini mpaka juu, bali ni "toka juu mpaka chini," ilionesha hilo lilitendwa na Mungu. Akapasua pazia vipande viwili, ndipo hata hivyo, yeyote yule, yeyote atakaye, anaweza kuja na kushiriki utakatifu Wake. Mnaona? Vema

*...kutoka juu hata chini; nchi ikatetemeka; miamba ikapasuka;*

*Makaburi yakafunuka, ikainuka miili mingi ya watakatifu waliolala;*

*Nao wakiisha kutoka makaburini mwao, baada ya kufufuka kwake...wakaingia mji mtakatifu wakawatokea wengi.*

40 Huyo hapo yule Mteule, yule Bibi-arusi. Si kanisa lote la Kiyahudi lilitokea wakati huo. Wote walitoa dhabihu ile ile. Wote walikuwa chini ya damu iliyomwagika ya mwana-kondoo. Bali kulikuwa na Kundi lililoteuliwa; na Kundi hilo lililoteuliwa, mara tu tukio hilo lilipotukia, hilo lililiamini kwa uaminifu kweli. Sasa ninakuja kwenye neno *kushinda*. Sasa shikilia hilo. Hawa ambao walikuwa wameshinda kweli, wakitoa dhabihu ile ile kwa uaminifu ambayo wengine wao waliitoa, lakini, katika uaminifu, waliyashinda mambo ya ulimwengu. Wakati upatanisho ulipofanywa vizuri kwa ajili yao, walikuwa paradiso mpaka kwenye tukio hilo wakati huo. Wakati huo ulipotimia, walikuwa wameshinda na walikuwa wakipumzika, wakilala; mnaona, "miili mingi ya wale waliolala mavumbini," mnaona, waliolala.

41 Sasa, kama tungalikuwa na wakati, tungalirudi kwa Danieli, wakati, Danieli, yule mteule aliyekuwa ameshinda. Naye alisema, "Kifunge Kitabu, Danieli, maana utapumzika katika kura yako. Lakini wakati Jemadari atakapokuja, atakayesimama upande wa hao watu, wewe utasimama katika kura hiyo." Huu hapa. Danieli, nabii huyu wa Mungu, aliona wakati wa mwisho ukija. Naye alisema, "Danieli, utasimama katika kura yako kwenye siku hiyo." Naye huyu hapa, akatokea; sio Israeli wote, bali Israeli mfano wa Bibi-arusi. Sasa, hao Israeli wengine hawatokei mpaka kwenye ufufuo wa kiama.

42 Na sasa, kwenye kule Kuja kwa Bwana Yesu, wale ambao kweli wanakupenda Kuja Kwake, wanaoishi kwa kuungojea huo; wakati atakapotokea angani, Kanisa lililolala mauti katika Kristo litafufuka, na hao watabadilishwa katika kufumba na kufumbua. Hao wengine hawatajua kitu juu yake. Kumbukeni, "Wakawatokea waliokuwa mjini." Mnaona? U—U—Unyakuo utakuwa hivyo. Tunaonana mmoja kwa mwingine, na tutawaona. Walimwengu waliosalia hawatawaona. Tutanyakuliwa kama kuondoka kisiri. Tunaungojea wakati huo!

Ndipo kurudi duniani kwa ajili ya ule Utawala wa fahari wa Miaka Eflu, ndipo ile miaka elfu... "Hao wafu waliosalia hawakuwa hai hata itimie ile miaka elfu moja."

43 Ndipo unakuja ufufuo wa kiama, ambapo, Israeli wote. Na pia, angalieni hapo, wale mitume kumi na wawili, wale wazee wetu kumi na wawili, wote wanawakilishwa. Nasi hatujafikia jambo hilo bado. Pengine, Bwana akipenda, tutalifikia kwenye Agano, jinsi ambavyo hizo kuta za yaspi, na yale mawe kumi na mawili, milango kumi na miwili, misingi kumi na miwili, hizo zote zimewakilishwa. Hawa hapa juu ya viti kumi na viwili vya enzi, wale malaika wajumbe wa siku hizo, kutoa hukumu juu ya wale walioukataa ujumbe wao. Amina. Hiyo hapo ile saa kuu inakuja. Naam.

Ni siku iliyoje, ni wakati ulioje tunaishi! Jinsi ambavyo inatupasa kujichunguza, Kanisa. Sasa tunazungumza juu ya mambo haya yanayokuja, yatakayokuja. Sasa, leo, hebu turudi hapa na tuone, tujichunguze wenyewe tuone kama tuko kabisa katika Imani.

44 Sasa hebu tuzungumze juu ya washindi wachache kwa dakika chache, katika siku za Nuhu, ambao ulifananishwa na Yesu Kristo, kwamba ni kama wa leo hii.

Ninapaswa kuwa na dakika kumi. Sasa nitachukua nusu saa. Ndiyo kwanza ninaanza, ukurusa wa kwanza. Nitaruka chache, nikiweza. Na kupata kile ...

Katika wakati wa Nuhu, mfano wa siku hizi: Yesu aliurejea, na kusema, "Kama ilivyokuwa katika wakati wa Nuhu, ndivyo itakavyokuwa katika Kuja Kwake Mwana wa Adamu. Katika wakati wa Nuhu, ndivyo itakavyokuwa katika Kuja Kwake Mwana wa Adamu." Angalia, kulikuwako na ulimwengu huo wote uliotangulia gharika, labda wa mamilioni ya watu, kulikuwa na washindi wanane. Watu wanane walishinda, hao walikuwa washindi halisi, wa kweli. Kulikuwako na wana watatu wa Nuhu na wake zao, na Nuhu na mkewe. Wanane walishinda, walioingia kwenye safina wakati uliofaa. Waliifanyaje? Waliisikiliza Neno la Mungu. Hawakupatikana nje ya mlango. Walipatikana ndani ya mlango.

45 Loo, jamani rafiki zangu wapendwa, msiache mlango huo ufungwe. Yesu alisema, "Kama ilivyokuwa katika siku hiyo, ndivyo itakavyokuwa katika Kuja Kwake Mwana wa Adamu." (Asante, ndugu.) "Ndivyo itakavyokuwa katika Kuja Kwake Mwana wa Adamu." Sasa, yupo mtu atakayepatikana akiwa nje ya mlango huo.

Wengi wao huenda walikuwa na nia njema, na, "Siku moja, kama mambo kama hayo yakitukia,



tutaingia pamoja na Ndugu Nuhu, maana yeye ni mtu mzuri." Lakini, mnaona, ni wanane tu waliopatikana wakiwa ndani.

Sasa, wazia sana sasa. Kama umekaa vivi hivi, ukiwa mzembe, ingia. Hima, upesi, maana mlango huenda ukafungwa wakati wowote.

46 Na daima kumekuwa na safina katika uchumi wa Mungu. Kulikuwako na safina katika siku za Nuhu, kwa ajili ya kuwaokoa watu Wake. Kulikuwako na safina katika siku za torati, sanduku la ushuhuda. Katika siku za torati, walilifuata lile sanduku la agano.

Na kuna kipindi cha tatu cha wakati sasa; kama kwenye wakati wa Nuhu, wakati wa Lutu, halafu sasa wakati huu. Kuna safina sasa. Na safina hiyo si dhehebu, wala si matendo mema unayotenda. Ni "kwa Roho mmoja," Warumi 8:1, "sisi sote tumebatizwa kuwa Mwili mmoja, katika milki ya Ufalme huo, ubatizo mmoja wa Kiroho." Haidhuru wewe ni mzuri jinsi gani, ni mbaya jinsi gani, chochote kile, uko katika Ufalme huo kwa—kwa ubatizo wa Roho Mtakatifu. Mnaona? Hivyo ndivyo tu unavyoshinda. Ni wale wote walio chini ya ile Damu iliyomwagika ndio washindi, maana huwezi kushinda, wewe mwenyewe. Yeye Ndiye anayekushindia. Wewe unapumzika.

"Nitajuaje basi, Ndugu Branham, ya kwamba mimi nimo Mle ndani?" Angalia ni maisha ya jinsi gani unayoishi. Angalia tu kila mahali. Angalia kama yanaishiwa tu kutoka kwako, bila jitihada zako. Ama, inakubidi kujitahidi na kuvuta, mnaona, basi wewe ndiwe unayejiishia. Lakini usijaribu kufanya hivyo. Uliwahi kujaribu? Naam. Usifanye hivyo.

47 Ni kama tu kuweka mkono mdogo wa mtoto kuingiza katika mkono wa vazi, mnaona. Yeye anarukaruka tu juu, chini, juu, na chochote kile. Mnaona? Hawezi kufanya hivyo. "Vaa koti lako, mpenzi." Hawezi kufanya hivyo. Mkono mdogo uko juu, chini, kote. Inahitaji mkono wako uliotulia.

Loo, jinsi nilivyo na furaha, ninaweza tu kuutoa mkono wangu kwa Baba, niseme, "Bwana Yesu, siwezi kuingia Mle. Wewe nisaidie. Nivalishe koti." Ninaacha kujaribu. Nimwache tu anivalishe. Mnaona?

48 Kama mtoto huyo mdogo akiendelea kujaribu, "Loo, ninaweza kujivalisha. Ninaweza kujivalisha." Naye anaingiza tu kila mahali. Hawezi kujivalisha.

Wala nawe huwezi, wala mimi siwezi, bali kama tutatulia tu na kumwacha afanye hivyo. Jisalimishe tu Kwake, "Hapa, Bwana, mimi hapa. Ja—jalia tu nisiwe kitu. Na—najisalimisha. Weka mkono wangu mahali sahihi." Huo ndio ushindi. Huko ni kushinda.

Jambo unalopaswa kushinda ni wewe mwenyewe, wazo lako, kitu chako, na kujisalimisha mwenyewe Kwake. Yeye alikushindia. Yeye anajua njia; sisi hatuijui.

49 Lakini katika wakati wa Nuhu kulikuwa na washindi wanane, na hao ndio walioingia. Walikutwa wakiwa ndani.

Sasa angalieni, marafiki. Ninaamini wanaurekodi huu. Na kama uko kwenye televisheni, ama si tele... samahani, kanda. Chochote ufanyacho, wewe ambaye unasiliza sasa, ama yeye atakayesikiliza baadaye, saa imeenda sana, nawe una makusudi mema, lakini hebu ukutwe ndani. Sasa, usijitahidi. "Si yeye atakaye, wala yeye apigaye mbio, bali ni Mungu." Mruhusu tu Mungu. Jisalimishe tu Kwake na uendeleo kutembea, kwa imani kamilifu, iliyoridhika, ya kwamba, "Yale Mungu ameahidi anaweza kuyatimiza." Sio kujiunga na dhehebu moja, dhehebu lingine, kukimbia *huku, kule*, ama *kule kwingine*, ukijaribu *hili*. Jitoe tu kwa Mungu, na utembea pamoja Naye, umejaa amani, mtulivu, bila kupingwa. Endelea tu kutembea pamoja Naye. Hiyo ni kweli.

Hivyo ndivyo nilivyomwambia ndugu yetu ambaye ndiyo kwanza a—apoteze fahamu. Mnaona? "Jisalimishe tu Kwake. Yeye yupo hapa, Yeye aliyejua yale uliyofanya, na kile kilichosababisha uwe hivi na kufanya *hivi*, na yote hayo. Yeye anajua yote kukuhusu wewe, na sasa Yeye amekwambia tu la kufanya. Sasa," nikasema, "jambo pekee unalopaswa kufanya ni kwenda tu kulifanya. Hiyo ni kusema, sahu yote yaliyopita, tembea, ishi kwa ajili ya siku za usoni, katika Utukufu na Uwepo wa Mungu."

Washindi wanane.

50 Katika siku za wakati wa Danieli, kulikuwa na washindi wanne ambao waliweza kustahimili jaribio la moto na simba.

Sasa, tunatarajiwa kujaribiwa. Hilo ni somo zuri kwa ndugu ya—yangu hapo nyuma, pia. "Yeye amjiaye Mungu hana budi kujaribiwa kwanza." Kujaribiwa (nini?) kwa Neno. Hilo ndilo jaribio la Mungu. Je! mnaamini jambo hilo? [Kusanyiko linasema, "Amina." — Mh.] "Yeye amjiaye Mungu hana budi kujaribiwa." Hiyo inaonyesha tu mtoto wa kweli, basi, mnaona, kujaribiwa. Na wakati jaribio linapokuja... Huwezi kushinda usipopewa jaribio. Na jaribio likitolewa, ni kuona kama unaweza kushinda ama huwezi. Na Yesu alisema, "Yeye ashindaye," lile jaribio. Jaribio ndilo jambo kubwa sana lililowahi kukupata. Ninaamini imeandikwa katika Maandiko, Petro alisema, ya kwamba, "Kujaribiwa kwetu kuna thamani kuu kwetu

kuliko dhahabu yenye thamani." Ni wakati wa kujaribiwa. Ni thibitisho moja zuri kwetu kwamba Mungu yupo pamoja nasi, tunapojaribiwa, kwa kuwa watoto wote wa Mungu wanajaribiwa na kupimwa.

51 Basi Danieli, mwanadamu, nabii; Shadraka; Meshaki; na Abednego; Danieli ndiye aliyekuwa nabii; na huo ulikuwa ndio ukubwa wa Kanisa katika siku hiyo, ninamaanisha, Bibi-arusi. Kuna wafuasi wengi sana wa kanisa, karibu milioni mbili wa hao walishuka wakaenda kule. Lakini kulikuwa... Huo ulikuwa ukubwa wa mshindi. Na hao washindi walijaribiwa. Na kila mshindi hana budi kujaribiwa. Na waliposema, "Ninyi ghairini yale Neno lise mayo, la sivyo mtatupwa kwenye tanuru la moto," wao walikataa kitu chochote ila Neno.

52 Na wakati Danieli alipojaribiwa, ya kwamba aghairi yale Neno liliyosema, ya kwamba inawapasa kuegemea kwenye hekalu, kama vile Sulemani alivyoomba, naye angewakomboa na mambo yote. Mungu angesikia kutoka Mbinguni kama wangekaa...wangeelekea kwenye hekalu na kuomba. Ndipo akasema, "Kama mtu yeyote akiomba katika kipindi cha siku hizi... Nasi ni Wamedi-Waajemi, ambao hatuwezi kugeuza wala kubadili sheria zetu. Mtu huyo atatupwa kwenye tundu la simba."

Walimtegea mtego. Ninaamini ya kwamba nabii huyo alijua jambo hilo. Lakini walimtegea mtego. Alitembea kwa unyenyekevu. Wakati wake wa kuomba ulipowadia... Wakati, yeye alijua, huko nyumbani Yerusalemu, kulikuwako na dhahabu ya kuteketezwa madhabahuni. Danieli hakuwaogopa hao wapelelezi. Alifungua pazia, na akafungua madirisha, kisha akapiga magoti yake, na kumwinulia Mungu mikono yake na kuomba. Kwa nini? Aishi ama afe, yeye alikuwa na ushindi. Na, kwa hiyo, ushindi mwingi sana hata simba hawakuweza kumla. Yeye—yeye alishinda.

Ninii ... Shadraka, Meshaki, Abednego walikuwa na ushindi mwingi sana hata simba ... hata moto haukuweza kuwachoma. Unajua, ushindi ni jambo gumu kuteketeza, ama kula, ama cho chote kile. Mnaona? Kwa hiyo, wao, walikuwa nayo.

53 Huenda nikamtaja mtu mwingine. Katika siku za Lutu, Yesu alilirejea hilo, kulikuwako na watatu tu walioshinda, Lutu na binti zake wawili. Si hata mke wake; hakushinda. A—alianza safari. Yeye ni mfano. Laiti tungalikuwa na wakati. Dakika zangu thelathini zimekwisha sasa hivi. Mnaona? Mnaona? Yeye, alifanya vema, aliondoka.

Sasa inanibidi kuwapa jambo hili, kwa muda kidogo tu. Wengi wenu mmeondoka, pia. Wengi wenu mliacha mambo haya, mpate kuchukua msimamo wenu, baada ya kulichunguza kote katika Maandiko na kuona kwamba ni kweli. Mliona thibitisho la Mwenyezi Mungu; si kwa ninii fulani, yale mtu fulani aliyosema yalikuwa ni thibitisho. Yale Biblia iliyosema yangekuwa, na hapa yanatukia. Mliona ilikuwa ni Kweli. Kwa hiyo, mmeanza kutoka, kuondoka Sodoma, kuliacha dhehebu, kuyaacha mambo yanayowafunga kwenye kanuni ya imani; na kumfuata Kristo, kwa Roho Mtakatifu akijithibitisha Mwenyewe kwa Neno la Mungu lililoandikwa. Kwa maneno mengine, mluchukua Biblia badala ya kanuni ya imani. Mlianza kutoka, kufuata.

54 Vema, mke wa Lutu alifanya jambo lile lile, mwajua. Aliondoka, kwenda pamoja na Lutu, kumfuata mumewe, watoto wake, wapendwa wake, bali halikuwa moyoni mwake. Yeye angali aliipenda dunia. Kwa hiyo inawezekana unaweza kuanza, na bado dunia ingali iwe ndani yako. Mnaona? Yeye hakushinda kamwe. Na hata ingawa alikuwa ameendelea sana na safari, hatimaye ilimtupa. Ilibidi kutupia jicho hilo kubwa, refu, la mwisho. Hapo ndipo aliponaswa. Hata usiangalie nyuma. Usiwe na tamaa zozote. Endelea mbele. Weka nia yako pale Kalvari na uendeleo kumwendea Kristo. Mnaona?

55 Alianza kutoka, kama mshindi, bali kamwe hakushinda. Loo, aliacha madhehebu. Alifanya hivyo. Alitoka Sodoma, pamoja na Lutu. Lakini yeye alitaka kurudi na kukata nywele zake. Mnajua ninalimaanisha. Mnaona? Ilibidi kurudi. Kamwe hakuweza kustahimili ja—jaribio. Ilibidi kuangalia nyuma tena, aone kile hao wengine walikuwa wakifanya. "Loo, unajua, nilikuwa na marafiki wazuri kule chini, hata hivyo. Na, hata hivyo, hii huenda ikawa ni—ni hatua ndogo tu. Sijui kama ingeweza kuwa sahihi ama la. Ni—nina neno la mtu huyu tu juu ya jambo hilo, ingawa yeye ni mume wangu. Lakini hata hivyo ..." Mchungaji wako ni mume wako, tukinena kiroho, mnaona. "Sasa, kama ingeweza kuwa sahihi au la, sijui. Labda yeye, ufunuo wake haukuwa sahihi."

Basi, kama hujaridhika kikamilifu, hujui kikamilifu kwamba ni Neno la Mungu, basi—basi huwezi kwenda. Mnaona? Huna budi kuuzwa kabisa. Huna budi kujua. Si kusema tu, "Vema, ninawaona wengine wakifanya jambo hilo. Ninaona ishara."

56 Mwajua, Israeli walianza kutoka, ningeweza kusema jambo lile lile na kulileta hapa. Walianza kutoka, watu milioni mbili wenye nguvu, na kuishia na watu wawili. Sawa. Waliona kazi za Mungu. Waliona dhihirisho la Roho. Waliona miujiza mikubwa, mikubwa ikifanywa kule Misri, na kila kitu, nao wakaanza. Lakini ha—haikuwa moyoni mwao. Hawakushinda. Walitoka tu. Naye Yesu alisema, "Nao wakaangamia jangwani," nao wamekufa Milele. "Kila mmoja wao amekufa," hilo linamaanisha utengano wa Milele. Kila mmoja wao alioza nyikani.

57 Lakini kulikuwako na watu wawili, Yoshua na Kalebu. Na wakati ilipofikia jaribio la kuamua, pingamizi zilikuwa kubwa sana hata walionekana kama panzi kando yao. Yoshua alipaza sauti pamoja na Kalebu, na

kusema, "Sisi tunaweza hata na zaidi kufanya jambo hilo." Kwa nini? "Mungu alisema hivyo." Nao walikuwa washindi. Walishinda. Hao ndio waliopata majaliwa, kutoka katika shirika hilo lote kubwa la watu, kumpeleka Bibi-arusi halisi, aliyeteuliwa katika nchi ya ahadi. Yoshua na Kaleb wakiwa kwenye mstari wa mbele kule nje, kama jemadari wawili, waliwaongoza moja kwa moja hadi mtoni, na wakavuka mto, wakaingia kwenye nchi ya ahadi. Kwa nini? Waliamini Neno, haidhuru nini.

58 Ndipo, Dathani akainuka. Dathani, hasa, aliinuka, na vivyo hivyo na Kora, nao wakajaribu kusema, "Mtu huyu anajaribu kujiinua juu ya wengine wetu wote; yeye ni mtakatifu kuliko wengine wote." Baada ya Mungu kumthibitisha kabisa mtu huyo. Wao walisema, "Tutaanzisha tu kundi la watu na tutaunda *hili, lile*, ama *linginelo*, na tutajiundia madhehebu yetu, tutafanya..." Nao wakafa na kuangamia.

Lakini hao watu walikuwa na hilo Neno la Bwana, nao wakakaa Nalo, nao wakavuka.

"Si yeye aanzaye; yeye amalizaye." Wengi wanaanzisha mashindano, lakini kuna Mmoja anayemaliza. Kutakuwa na makanisa mengi yatakayoanza, makundi mengi ya watu. Kutakuwa na kundi moja la kumaliza. Hao ni washindi.

59 Siku za Lutu, naam, ilibidi mke kutupa hilo jicho kubwa refu huko nyuma. "Loo, ninawaacha akina *Nanii* huko chini, hizo nyakati nzuri tulizokuwa nazo. Sitasahau kamwe." Naye akashikwa, akafungiwa nje, kama ilivyokuwa katika siku za Nuhu. Alifungiwa nje, bila rehema, naye akaangamia. Na bo—bonge hilo lingali limesimama pale leo. Wanadai (sijui) ungeweza kuvunja kipande chake kimoja na kitakua tena, nguzo ya chumvi. Ukiwahi kuona sinema hiyo ya *Sodoma na Gomora*, utaona ile nguzo asili ya chumvi iliyosimama pale.

Sasa, ipo tofauti kati ya nguzo ya chumvi na Nguzo ya Moto. Mnaona? Huna budi kugeuka upande mmoja. Naam.

60 Angalia, katika wakati wa Yohana Mbatizaji. Katika wakati wa Yohana Mbatizaji, ilionekana sita walioshinda. Nyakati zote, wamekuwa na washindi. Katika wakati wa Yohana walikuwa na sita, hao walikuwa ni Yusufu na Mariamu, Zakaria na Elizabeti, Simeoni na Ana. Mwanamume na mwanamke, mwanamume na mwanamke, mwanamume na mwanamke; mnaona, mfano wa Kristo, Kanisa; Kristo, Kanisa; Kristo, Kanisa; Kristo, Kanisa. Mnaona? Mnaona?

Angalia, inaanzia kwa mtu wa kawaida. La, Mu-... Yusufu, mtu wa kawaida, Yusufu, alikuwa ni nani? Seremala. Ndipo kuhani, alikuwa ni nani, mnaona? Mhudumu katika nyumba ya Bwana; Zakaria. Na kutoka hapo, hadi kwa Simeoni, nabii na nabii mke. Mnaona ...? Kuhesabiwa haki, kutakaswa, ubatizo wa Roho Mtakatifu. Amina. Hivi hamliani? [Kusanyiko linasema, "Amina." — Mh.] Kikamilifu. Sita walishinda. Hao wengine wote, walitoa dhabihu zao na kila kitu, bali hawa walikuwa Wateule. Wanashinda.

61 Angalia kila wakati wa kanisa. Hao hao walishinda wakati wao, kila mwana kutoka katika kila wakati wa kanisa, walishinda jaribu la wakati huo. Nina Maandiko hapa. Sidhani kweli tuna wakati wa kulimalizia, bali tunajua kila mmoja wa nyakati za kanisa. Vivyo hivyo sasa. Ni kama tu mtu ambaye ni ...

Mnaona, kama nilivyosema hapo mwanzo, unazaliwa umeshindwa. Na kuzaliwa huko hakuwezi kamwe kukuleta kwenye—kwenye Uzima, kwa kuwa unazaliwa ukiwa umeshindwa. Nawe uko katika ulimwengu ulioshindwa, miongoni mwa watu walioshindwa, miongoni mwa kanuni za imani zilizoshindwa, madhehebu yaliyoshindwa. Huna budi kufikia ushindi kwa njia fulani.

62 Ni kama tu yungiyungi. Mahali palipo... Yungiyungi, nafikiri, ni moja ya maua mazuri sana yaliyopo. Ninapenda sana zile yungiyungi za kala na za kidimbwini. Nafikiri hakuna kitu kinachokaribia uzuri wa yungiyungi kubwa la kidimbwini, liitwalo yungiyungi la majini. Jinsi linavyonawiri! Sasa, linatoka wapi? Ni mbegu ndogo, huko chini ya kidimbwi chenye matope, kichafu sana. Na mbegu hiyo ndogo, hata hivyo, kunawiri kote kutakapata kunawiri ndani yake, kumo ndani yake wakati uo huo, wakati likiwa kwenye matope hayo. Lakini haina budi kujitahidi, kila siku, kujua ya kwamba kuna kitu fulani. Ni jeusi. Ni chafu. Lina kinyaa. Linateleza. Katika utelezi huo linamoishi, hata hivyo linajipenyeza kupitia kwenye matope, kinyaa, na maji, na mahali palipotuama, mpaka linatokeza kichwa chake juu, katika nuru, na kuonesha kile ambacho kilikuwa kimefichwa ndani yake wakati huo wote.

Nafikiri huyo ni mshindi, ambaye, wakati mmoja alikuwa katika dhambi, wakati mmoja alifanya mambo yaliyokuwa mabaya, hajali hilo sasa. Wakati mmoja ulifanya mambo mabaya, wakati huo, sasa kwa nini uangalie kwenye hicho kidimbwi tena? Mnaona? Angalia, unaninii...

63 Mungu, kwa kuchagua Kwake tangu zamani, unaona, ameifufua mbegu hii, nayo inajipenyeza, unaona, ikija kwenye nuru. Na sasa, juu ya hayo yote, imeshinda. Mnaona? Haijidhihirishi *kule* chini. Inaamka, ipate kujionesha.

Wala na wewe pia, katika dhambi za—zako, na uzinzi, na kila kitu ulichoishi ndani yake. Hukuonesha chochote. Lakini kulikuwa na mbegu mle ndani, nayo ilipata nafasi ya kujipenyeza ikaingia kwenye Nuru. Na sasa uko katika Uwepo wa Yesu Kristo, ukiwa na Nuru ya Mwana. Ilionesha dhahiri kile ulichokuwa

hapo mwanzo. Mnaona ninalomaanisha? Uliona ile Nuru. Ulichanua. Uliufungua moyo wako, na sasa wewe ni yungiyungi.

64 Mnakumbuka mahubiri yangu juu ya yungiyungi? Kasisi Lily, jinsi anavyofanya kazi. "Na, hata hivyo, yeye hasokoti. Hata hivyo, Sulemani, katika fahari yake yote, havikwi kama mojawapo ya haya." Yeye—yeye—yeye—yeye—yeye ... Mwangalie. Yuko tayari kuninii... Hajichukulii kitu. Yungiyungi hajali chochote juu ya nafsi yake. Yeye anafanya nini? A—anatupa uzuri wake nje, maisha yake, kusudi wengine wapate kuona. Maisha yake yanaoneshwa wazi, kusudi wengine wapate kuona fahari yake, kile kilicho ndani yake, kilichokuwa ndani yake kwenye yale matope. Sasa yeye yuko juu.

Huyo ndiye mshindi. Alishinda matope. Yeye alishinda mambo ya ulimwengu. Na sasa anajitolea bure. Kila mtu anaweza kumwagalia. Maisha yake, huwezi kuyaelekezea kidole. Mnaona? Yeye ni mshindi halisi. Huwezi kusema lolote kumhusu yeye sasa. Sema, "Alitoka kwenye matope." Lakini yeye hayuko kwenye matope sasa. Yeye yuko juu yake. Amina. Huwezi sasa kuelekeza nyuma kile alichokuwa. Yeye ni nini sasa? Yeye yuko juu.

Ndipo nyuki anakuja na kusema, "Hayo ni manukato mazuri sana. Ninaamini nitaenda na kuchukua sehemu yangu."

Yeye huufungua tu moyo wake, "Njoo sasa. Vema." Kila kitu kinachukua kutoka kwake. Mnaona? Yeye, yeye ni mchungaji halisi. Yeye huonesha Utukufu wa Mungu. Basi angalia alikotoka. Ilimbidi kushinda, kufanya hivyo.

65 Wakati mmoja, yeye alikuwa kijana na mzuri, mrembo. Walikuwa na majaribu mengi ya kupitia, bali walishinda hayo. Mnaona? Wanashinda. Sasa wanaonesha uzuri halisi wa Kristo maishani mwao. Angalia, kuonesha, kupitia katika matope.

Yesu alitupa mfano, jinsi ya kufanya jambo hilo. Sasa tunataka kujua jinsi ya kushinda. Yesu alitwambia jinsi ya kufanya jambo hilo. Mnaona? Unyenyekevu! Akajifunga, akachukua taulo, na kuwatawada wanafunzi miguu na kuipangusa. Mungu Mwenyewe wa Mbinguni alijishusha.

Hatutaki kuaibishwa. Hiyo ndiyo sababu wanawake hawataki nywele zao zikue; ndiyo sababu hawataki kuvaa kama vile mabibi wanavyopaswa kuvaa. Kama vile, wanaume hawataki, mnaona, ni jambo lile lile. Hawataki. Wao, wanaaibika.

Lakini, Yesu, daima! Angalia Yeye alikuwa ni Nani. Ukuu! Nitasema jambo fulani. Ukuu hujidhili. Mkuu *hujinyenyekeza*. Ukuu!

66 Nimekuwa na majaliwa ya kupata, kukutana na watu mashuhuri. Na ni jamaa hawa walio na nguo za kubadilisha, na senti hamsini mfukoni mwao, na kupayuka-payuka, huyo ndiye jamaa anayefikiria yeye ni kitu fulani wakati yeye si kitu. Lakini nilisimama karibu na watu wakuu, ninamaanisha watu wakuu wenye mikono ya mavazi inayoparuzi, sijafu. Wanakufanya ufikiri wewe ni mtu mkuu. Mnaona?

Ukuu ni unyenyekevu. Msisahau jambo hilo, enyi Kanisa. Ukuu unaoneshwa katika unyenyekevu, si jinsi unavyoweza kuwa mzuri.

Simaanishi kuwa mchafu, sasa. Ni—ninamaanisha mnyenyekevu katika roho. Mnaona? Simaanishi kutoka tu—kutoka na ... Kwenda kuoga na kujiweka nadhifu. Kwamba, unapaswa kufanya hivyo. Unajua hivyo. Mnaona?

Lakini ninazungumza juu ya unyenyekevu, unyenyekevu wa kweli, si kitu cha kujibunia. Kitu fulani ambacho ni, hicho ni unyenyekevu halisi.

67 Yesu alitwambia jinsi ya kufanya jambo hilo. Yeye alishinda. Kumaanisha ... *Kushinda* kunamaanisha "kustahimili jaribio," hiyo ni kweli, kama vile watakatifu wote wa kale walivyofanya; kama Yesu alivyofanya: miongoni mwa adui Zake wote, Yeye alistahimili jaribio. Kila kitu alichojaribiwa, alikistahimili. Alipokabiliwa na maradhi, Naye akiwa ni Masihi, Yeye aliwaponya. Alipokabiliwa na mauti, aliwafufua. Mbele ya Kalvari, mauti Yake Mwenyewe, Yeye aliishinda kwa kujitoa Mwenyewe. Kwa nini? Kwa Neno. Kasema, "Livunjeni Hekalu hili, nami nitalijenga katika siku tatu." Neno lilisema hivyo. Mnaona? Alipokabiliwa na mauti, Yeye aliyashinda. Alishinda mauti. Alipokabiliwa na kuzimu, Yeye alishinda kuzimu na kushinda kuzimu. Ndiyo. Alipokabiliwa na kaburi, Yeye alishinda kaburi. Kwa nini? Yote kwa Neno, na unyenyekevu. Loo, jamani! Huyo hapo Mtu halisi. Huyo hapo unayepaswa kumfanya mfano wako. Mnaona? Alishinda kila kitu, akakishinda.

68 Angalia. Majaribu yalikuwa kwa ajili Yake. Mnajua jambo hilo? Biblia ilisema, "Alijaribiwa katika mambo yote kama sisi, lakini bila dhambi." Alijaribiwa na—na kunywa pombe. Alijaribiwa na wanawake. Alijaribiwa na kila kitu tunajaribiwa nacho. Yeye alijaribiwa na kila kitu tulicho sisi. Yeye alikuwa ni Mwanadamu, na hata hivyo usingeweza kumtia alama. Naam, bwana.

*Kushinda* maana yake ni "kumtambua Ibilisi katika kila moja ya hila zake." Watu wengi wanasema,

“Hakuna ibilisi. Ni wazo tu.” Msiamini jambo hilo. Kuna ibilisi halisi. Yeye ni halisi tu kama ulivyo wewe ama mtu yeyote. Ibilisi halisi, nawe huna budi kumtambua halisi. Huna budi kujua yeye ni ibilisi. Ndipo, wakati ule ule u—unapomtambua, na kujua ya kwamba yeye ni ibilisi na anakupinga, basi, ili ushinde, lazima utambue ya kwamba Mungu aliye ndani yako ni mkuu na ana nguvu zaidi kuliko yeye, ya kwamba Yeye aliye ndani yako amemshinda tayari. Na, kwa neema Yake, wewe unaweza kumshinda hata na zaidi. Amina. Kuna kushinda halisi, unapotambua.

69 Unaangalia nyuma, unasema, “Ninafanya jambo *hili* na ninafanya jambo *lile*,” basi, la, wewe—wewe, wewe umeshindwa.

“Lakini hakuna hukumu ya adhabu juu yao walio katika Kristo Yesu, wanaoenenda si kwa jinsi ya mwili, bali kwa Roho.” Ndipo unatambua ya kwamba umeshinda.

Nanyi mnajua ya kwamba yeye ni ibilisi. Huwezi kusema, “Nina ugonjwa, na si—si—si—siamini ni ugonjwa.” Loo, naam, ni ugonjwa. Una saratani, “huamini ni saratani.” Ni saratani. Ni saratani.

Lakini, kumbuka, “Yeye aliye ndani yako ni mkuu kuliko yeye aliye katika dunia.” Huna budi kutambua ya kwamba Roho Mtakatifu aliye ndani yako tayari ameshinda jambo hili. Naye yuko ndani yako, nawe unaweza kushinda kwa Yeye. Hilo ni la busara kabisa, sawa kabisa na jinsi ambavyo Maandiko yameandikwa. Kushinda!

Sina budi kuharakisha. Tayari nina dakika arobaini na tano sasa. Kweli ninapitisha wakati sasa.

70 Angalia, shinda! Mungu aliye ndani yako ni mkuu kuliko yule aliye ndani yake. Mungu wa ulimwengu si mkuu kama Mungu wa Mbinguni, ambaye yuko ndani yako, si zaidi ya vile giza linavyoweza kusimama mbele ya nuru.

Sasa, giza haliwezi kusimama mbele ya nuru. Sijali kuna giza jinsi gani, nuru italiondoa. Haliwezi kustahimili. Utukufu! Lakini hebu chukua giza kiasi unachotaka, na ujaribu kusimama dhidi ya nuru wakati mmoja, uone yatakayotukia.

Huyo Ndiye aliye ndani yako, ni Nuru. Na aliye ulimwenguni ni giza. Kwa hiyo, Nuru imethibitisha kushinda giza, na mtu aliye katika Kristo na anajua ya kwamba ameshinda mambo ya dunia. Amina. Haina uhusiano wowote na wewe, hata kidogo. Uko huru. “Tembea katika Nuru, kama Yeye alivyo katika Nuru, na Damu ya Yesu Kristo hutusafisha na dhambi zote, nasi tuna ushirika sisi kwa sisi.” Haya basi.

71 “Yeye aliye ndani yako ni mkuu kuliko yeye aliye katika dunia.” Sasa, kama ukiangalia nyuma na unahukumiwa, basi ungali uko katika dunia. Lakini kama unaishi juu ya hayo, basi yeye aliye ndani yako amekuongoza ukawa juu ya giza.

Ni kama vile yungiyungi, yeye yuko juu ya giza la matope. Yeye yuko juu ya giza la maji yenye matope. Yuko katika nuru, akiakisi uzuri uliowekwa ndani yake kabla hajaondoka kwenye matope. Amina.

Sasa na—najisikia kama Mkristo anayepiga mayowe. Kile kilichokuwa mle ndani kwa njia ya Mungu, hapo mwanzo, kimejipenyeza, kikashinda. Kilishinda lile ganda. Kilishinda matope. Kilishinda maji. Kilishinda kila kitu, na kilikuwa mshindi, na kikaakisi uzuri na Utukufu wa Mungu.

72 Hivyo ndivyo kila mwamini anavyofanya. Hivyo ndivyo Nuhu alivyofanya. Hivyo ndivyo Lutu alivyofanya. Hiyo ndiyo njia. Angalia jinsi alivyokuwa katika machafuko. Hivyo ndivyo Musa alivyofanya. Hivyo ndivyo Yoshua alivyofanya. Hivyo ndivyo Danieli alivyofanya. Hivyo ndivyo Shadraka, Meshaki walivyofanya. Hivyo ndivyo Yohana Mbatizaji alivyofanya; Zakaria, Elisabeti. Hivyo ndivyo Simeoni, hivyo ndivyo Ana, kila mmoja wao alivyofanya. Walishinda matope yaliyowazunguka na kuingizwa ndani yao. Wakaweka kichwa chao juu ya kitu hicho, na kuangaza Utukufu wa Mungu. Hivyo ndivyo Mkristo halisi anavyofanya.

73 Kumbukeni, Yesu alimwonesha jinsi lilivyofanyika. Siku arobaini za kujaribiwa, Yeye alijaribiwa kuliko mtu ye yote ambaye angeweza kujaribiwa, katika kujaribiwa kwa Yesu Kristo. Angalia. Yeye alituonesha jinsi linavyofanywa.

Sasa nitafunga, katika dakika chache tu.

Angalia. Alituonesha jinsi inavyofanywa. Yeye alifanyaje jambo hilo? Kwa Neno. Hivyo ndivyo alivyofanya, kwa kuwa Yeye alikuwa ni Neno. Naye Yesu alisema, “Mkikaa ndani Yangu, na Maneno Yangu ndani yenu,” mmerudi kwenye Neno tena, Neno la ahadi. Neno la ahadi ni nini kwa kila Mkristo? “Yeye aliye ndani yako ni mkuu kuliko yeye aliye katika dunia.” Basi nitawezaje kushinda? Si mimi, bali Neno lililo ndani yangu. Neno ni Mungu. Ndipo ninashinda mambo ya ulimwengu, kwa sababu ni Neno ndani yangu. “Mkikaa ndani Yangu, Maneno Yangu ndani yenu, basi ombeni tu mtakalo.” Endeleeni tu kusonga mbele. Unakuja kileleni, hakika kabisa. Mnaona? Huna budi kuja kileleni.

74 Siku Zake arobaini za kujaribiwa, kwa Neno la Mungu Yeye alishinda. Ninataka kueleza jambo fulani

hapa kwa dakika chache tu. Shetani alimshambulia mara tatu katika jaribu hilo. Angalia. Daima huwa katika hayo matatu. Usisahau hilo. Mnaona? Yeye alifanya mashambulizi matatu makubwa, kutoka yale makubwa sana hata madogo kabisa. Alijaribu alivyoweza kumshinda. Lakini Yeye alikuwa ni Neno. Amina. Alitumia nini? Mwenyewe, Neno. Mashambulizi matatu makubwa ama hujuma za Shetani juu Yake, bali Yeye alikabiliana nalo kwa Neno. Kila shambulizi, Yeye angeweza kulistahimili kwa Neno. Angalieni jambo hili sasa, kutoka juu kabisa hata chini sana.

75 La kwanza aliloshambulia, lilikuwa ni kutumia nguvu Zake kuu. Ambapo, Yeye alijua Yeye alikuwa ni Neno. Yeye alijua mahali Pake. Unaamini alifanya hivyo? [Kusanyiko linasema, "Amina." — Mh.] "Mimi Mwana wa Adamu." Yeye alijua mahali Pake. Naye Shetani akaja na kumtaka atumie nguvu Zake Mwenyewe kwa nafsi Yake, kujilisha, anataka ajilishe Mwenyewe. Alikuwa na njaa. Mtu akipata njaa, anaweza kufanya karibu jambo lolote. Ataiba, atanyang'anya, ataomba, atakopa, chochote kile. Mnaona? Alikuwa na njaa hiyo ya chakula. Na Shetani akatumia shambulizi lake la kwanza kubwa juu Yake, kuchukua nguvu Zake alizokuwa amepewa za kushindia na kuzitumia kwa nafsi Yake. Hakuzitumia kwa nafsi Yake. La. Alizitumia kwa wengine. Hiyo ni kweli. Yeye alizitumia kwa wengine, si Yeye Mwenyewe. Hazikuwa kwa ajili Yake. Ingawaje, angaliweza kufanya hivyo. Hakika angaliweza kufanya hivyo.

76 Lakini mnaona jinsi ibilisi anavyojifanya? Ibilisi anataka umjali. Yeye alijali yale tu Baba aliyosema afanye. Hiyo ni kweli.

Alisema, "Mbona," Shetani akasema, "imeandikwa, 'Atawaagiza Malaika...'"

Yeye alisema, "Naam, lakini pia imeandikwa ..." Mnaona? Haya basi. Mnaona? Yeye alijua Yeye alikuwa ni Nani. Shetani alinini...

Wazo linaingia ndani zaidi ya vile lilivyoandikwa. Mnaona? Ni uvuvio. Kiini kiko ndani Yake, mnaona, jinsi vile lilivyo hasa.

Ingawa angeweza kufanya hivyo, Yeye hakufanya hivyo. Bali kamwe ha—hakisikiliza ushauri wa Shetani.

Sasa, hili hapa jambo zuri. Mnaona? Wakati mwingine Shetani anaweza kukuchukua, na wakati unapowazia ya kwamba unafanya mapenzi ya Mungu, na anaweza kukupa ushauri, utaangukia hilo. Naam, bwana. Hakika anaweza.

77 Sasa hebu na tuchukue tu, kwa mfano, kama dada zetu. Wao ni warembo. Naye anaweza kukufikisha mahali fulani, ambapo, unaachilia nywele zako zikue, hukutambua. Zilionekana nzuri sana ukiwa nazo, na, muda si muda wajua, kwa namna fulani unashikwa na kiburi, kidogo juu ya wengine. Baadhi yenu wanaume, mnajua ninalomaanisha. Mnaona? Naye anaweza kuchukua jambo lilo hilo na kukupa ushauri kwake. Hiyo ni kweli. Huna budi kushinda hilo.

Kumbuka tu, unamwishia Mungu. Una lengo moja, na hilo ni Yesu Kristo. Nje ya hayo, hakuna kitu kingine muhimu. Huyu ni Yeye. Halafu, pili, kwa ajili ya familia yako. Halafu, tatu, kwa ajili yako mwenyewe. Lakini, kwanza, kwa ajili ya Mungu; pili, kwa ajili ya familia yako; na halafu, kwa ajili yako wewe. Wewe ni namba tatu; Huo ndio mwisho wa safari. Jiweke wa mwisho; Alifanya hivyo.

78 Angalia yale angaliweza kufanya. Kasema, "Ningeweza kumwita Baba Yangu, nizungumze Naye, Yeye mara moja angeniletea majeshi kumi na mawili ya Malaika." Wakati, mmoja wao angeweza kuuangamiza ulimwengu. Kasema, "Kama Ufalme Wangu ulikuwa ni ulimwengu huu, basi raia Wangu wangepigana. Lakini Ufalme Wangu ni wa huko Juu." Haya basi. Mnaona? Angeweza kufanya hivyo, bali hakufanya hivyo. Mnaona? Ingawa, Yeye angaliweza kufanya jambo hilo. Kamwe hakisikiliza ushauri wa Shetani.

Sasa, je! umewasikia watu wakisema, "Kama—kama unaamini kuna—kuna mponyaji wa Kiungu... Kama wewe ni mponyaji wa Kiungu ... Nenda ukamwite mponyaji wako wa Kiungu. Nina mtu hapa, mgonjwa. Ningetaka kumwona akimponya." Mnaona ibilisi yule yule? [Kusanyiko linasema, "Amina." — Mh.] Yeye anajaribu kukupa ushauri. Yeye anajaribu kukufanya umsikilize yeye badala ya Mungu. Lakini mtumishi halisi, wa kweli wa Mungu atasikiliza na kuona kile Baba asemacho, kwanza. Mnaona?

79 Ni kama yule mtoto mchanga wa Stadslev, walipotuma habari hapa. Naye Bibi Stadslev akasema, "Ndugu Branham, nilimpigia simu kutoka Ujerumani." Kulikuwako na jeshi la Marekani, likiwa na moja ya ndege zao za jeti imewekwa hapa nje uwanjani, ingenirusha kwenda Ujerumani na kunirudisha, katika siku moja. Yeye alikuwa ni kasisi wa jeshi. Na huyo mtoto mchanga alikuwa amelala, amekufa. Na maskini mama huyo akipiga mayowe, akasema, "Sikilizeni!" Kasema, "Ninajua. Nilisimama pale pale na kumwona mwanamke huyo ameshika huyo mtoto mchanga aliyekufa mikononi mwake, aliyekufa asubuhi hiyo. Nilimwona Ndugu Branham akienda moja kwa moja pale, akiweka mikono juu ya mtoto huyo aliyekufa, naye akafufuka." Kasema, "Huyu ni mtoto wangu mchanga, Ndugu Branham." Hakuwapata kuwa na kifo katika familia yao. Mnaona? Na maskini kitoto hiki kidogo kilishikwa na ugonjwa asubuhi moja na kikafa alasiri hiyo.

Hawa hapa hao wote wamesimama kumzunguka, na wakitoa unabii na kadhalika, "Mtoto huyu mchanga atafufuka," na mambo yote namna hiyo.

Nikasema, "Vema, hilo ni jambo zuri sana, Dada Stadskev. Lakini hebu nione kile Baba asemacho."

Nikaenda msituni. Nami nikaomba. Nikarudi ndani; alikuwa tayari amepiga simu mara mbili ama tatu kabla sijarudi kesho yake asubuhi. Hakuna kitu.

Daktari akasema, "Vema." Kasema, "Kama hivyo ndivyo ilivyo, kama una imani kama hiyo, mama, kamwe hatutaruhusu mtoto aondolewe hospitalini. Acha akae papa hapa. Wewe kaa papa hapa naye. Hilo ni sawa."

Ndugu Stadskev alienda akamwona meja wa jeshi. Wakasema, "Hakika. Tutamsafirisha kwa ndege aje huku, na kumrudisha."

80 Na kulikuwako na ndege iliyowekwa pale, ikingojea, kunipeleka huko asubuhi hiyo na kunirudisha usiku huo, huko Ujerumani, kwenda Heidelberg, Ujerumani, kwa ajili ya kufufuliwa kwa mtoto huyu mchanga. Nikasema, "Hakika, Mungu anaweza kufanya jambo hilo, lakini hebu tuone mapenzi Yake ni nini."

Ndipo nikatoka, nikaomba usiku kucha. Hakuna kitu kilichotukia. Kurudi kesho yake asubuhi; hakuna kitu kilichotukia. Nami nikaanza kuingia chumbani. Papo hapo nikaangalia pale, na hiyo Nuru ilisimama pale mlangoni. Kasema, "Usiweke mkono wako juu ya jambo hilo. Usikemee jambo hilo. Huo ni mkono wa Mungu."

Nikampata kwenye simu. Nikasema, "Dada Stadskev, mzike mtoto wako. Ni mkono wa Bwana. Ni mapenzi ya Mungu. Jambo fulani lingempata mtoto huyu mchanga maishani. Wewe mwache aende mahali ambapo Mungu anajua alipo. Unaweza kwenda kwake sasa. Akiishi, hutaweza. Mwache tu jinsi hiyo."

Yule mhubiri mashuhuri wa Kilutheri huko Ujerumani aliandika barua na kusema, "Jinsi ninavyoweza kuthamini, yale, Ndugu Branham kungojea apate uamuzi huo dhahiri kutoka kwa Mungu, kabla hajasema jambo lolote."

Hivyo ndivyo ilivyo. Shikilia uamuzi wa Mungu. Haidhuru wengine wanasema nini, ama chochote kile, usishauriane na Shetani, hata kidogo.

81 Kama Shetani akisema, "Sasa, ubatizo wa maji, jina la 'Baba, Mwana...'" Kama hilo, hata akitoa ushauri, wewe achana nao. Mungu alisema vinginevyo. Akisema, "Wewe ni mtu mzuri, haikubidi kuwa... Wewe ni mwanamke mzuri, haikubidi kufanya..." Usishauriane. Kama Neno linasema vinginevyo, wewe dumu na Neno haidhuru ni kitu gani. Huo ndio mfano ambao Yesu alikupa, na hilo hapo shambulizi kuu, mnaona, alilomshambulia nalo.

82 Halafu, shambulizi la pili. Nitaharakisha. Inaonekana tu kama wakati unaenda haraka sana. Shambulizi lingine kuu lilikuwa, ambalo alimshambulia nalo, lilikuwa kwamba yeye angekuwa mwenye majigambo.

Na jinsi ambavyo hilo kweli huwapiga watumishi wa Mungu, kujivuna, kuonyesha yale unayoweza kufanya. "Utukufu kwa Mungu! Haleluya! Mimi ni mkombozi! Mimi niko hivyo." Mnaona? Mnaona?

"Njoo huku juu, juu ya hekalu, na uketi hapa chini." Alimjaribu kufanya jambo hilo. Sasa, kumbukeni, Yeye alijaribiwa kufanya jambo hilo, sana. Kasema, "Sasa, kama unataka kuwa kitu fulani mbele za watu, simama hapa juu ya hekalu hili, uruke." Mnaona? "Nitakupa Andiko kwa ajili yake, kwa maana imeandikwa, 'Atakuagizia Malaika, usije, wakati wowote, ukajikwaa mguu katika jiwe. Atakuchukua.'" Kumfanya mtu mwenye maringo, kuonesha mamlaka Yake.

Hakuna mtumishi wa kweli wa Mungu anayefanya hivyo. Ukimwona mtu akijionesha, kifua mbele, na kila kitu namna hiyo, kumbuka tu, kuna kasoro pale. La. Mungu hataki jambo hilo. Yesu aliweka mfano. Angeweza kufanya hivyo. Bila shaka angeweza kufanya hivyo, bali hakufanya hivyo. Hakuna mtumishi wa Mungu anayejigamba, mwenyewe, kujaribu kuchukua nguvu za Mungu na kujionesha juu ya mtu mwingine.

83 Mnakumbuka Musa alifanya hivyo? Mnakumbuka jambo hilo? [Kusanyiko linasema, "Amina." — Mh.] Mungu alimpa nguvu za kufanya lo lote alilotaka kufanya; ilimfanya nabii. Alishuka akaenda kwenye Mwamba huo, naye akaupiga ule Mwamba mara ya pili. Hilo lilikuwa kinyume cha mapenzi ya Mungu.

Mungu alisema, "Nena na Mwamba huo. Usiupige tena. Utavunja mifano yo—yo—yote hapa. Mwamba huo utapigwa mara moja tu." Lakini yeye alinena juu ya unyonge wa Neno wakati alipofanya jambo hilo; Hilo halikutosha. Naam. Neno ndilo lililokuwa likiendelea. Mwamba huo ulikuwa ni Neno. Mnaona?

Yeye, mara ya kwanza, aliupiga Mwamba na maji yakatokea. Na ndipo wakaona kiu tena. Akasema, "Sasa rudi ukazungumze na Mwamba." Ulipigwa mara moja tu. Mnaona?

"Kule kutokutosheleza kwa Neno." Musa alishuhudia hilo. "Neno halikuwa sahihi; Yeye alipaswa

kupigwa tena.”

Kwa hiyo Musa alishuka akaenda kule na kuupiga ule Mwamba namna hiyo, akasema, “Toka!” Hayakutoka, kwa hiyo akaupiga tena, na kusema, “Toka! Ninakuamuru utoke.” Ndipo maji yakatoka.

Mungu alisema, “Njoni huku juu. Njoo huku. Ulijitukuza mwenyewe. Ulichukua nguvu Zangu; badala ya kunitakasa Mimi, ulijitakasa mwenyewe. Sasa hutakwenda kwenye ile nchi. Angalia kule, angalia jinsi ilivyoonekana; lakini, hapa, utaondoka papa hapa.” Loo, jamani! Kamwe hakujakuwapo na mtu kama Musa, mnajua. La, la.

84 Wakati alipokuja kwenye lile onyesho na Yesu, alisema, “Panda huku hekaluni kisha uruke.”

Yeye alisema, “Imeandikwa,” amina, “Usimjaribu Bwana Mungu wako.” Mnaona? Yeye alikabiliana naye kwa Neno, katika hilo, na kila shambulizi kubwa.

Hakuna mtumishi wa kweli anayejaribu kujigamba, kwa—kwa nguvu za Mungu. Akifanya hivyo, anashindwa papo hapo.

85 Shambulizi la tatu kubwa, Shetani alijitolea kumwachia ufalme huu. Alifanya hivyo. Shetani alisema, “Unaona falme hizi za ulimwengu? Hizi ni zangu. Ninafanya nazo chochote ninachotaka kufanya. Nitakuachia.”

Lakini, kumbuka, alikuwa akijaribu kumfanya aziachie bila msalaba. Kama angalifanya hivyo, tungepotea. Yeye angeweza kuuchukua huo ufalme. Bali hana budi kufuata ninii ... Hana budi kurudi. Yeye alijaribiwa kufanya jambo hilo, sasa. Mauti ni jambo gumu. Alijaribiwa kuchukua uhuru Wake na kuwa Mfalme wa dunia, bila msalaba. Lakini, kama angefanya hivyo, raia Wake wanalikufa. Shetani angalifurahia kufanya mapatano hayo Naye. Lakini Yeye alisema, “Rudi nyuma Yangu, Shetani.” Yeye hakufanya hivyo.

86 Yeye alikuja na akateseka, na akachukua njia iliyo ngumu, inayoparuzi. Alichukua njia ya mateso. Alichukua njia ya mauti.

Je! Sisi, asubuhi ya leo, tuko tayari kufanya hivyo, kuchukua njia ile ile aliyoifuata Yeye? Je! Tuko tayari kufa? Je! Tuko tayari kujitoa kwa Mungu, kuupoteza ulimwengu wote na mambo mengine, kumtumikia Yeye? Mnaona?

Sasa, Yeye alishindwa kufanya jambo hilo. Kwa hiari ku—kuupoteza, Shetani alikuwa, Kwake. Lakini Yeye hakufanya hivyo. Ingawa Yesu alijaribiwa, Yeye alishinda kwa ajili yetu. Yeye—Yeye alivumilia majaribu yote kwa ajili yangu na kwa ajili yenu. Mnaona? Angaliweza kuuchukua wakati uo huo. Lakini Yeye alichukua njia ile nyingine kwa sababu gani? Ili kwamba tupate kuja, kuwa pamoja Naye. Na kama Yeye alilipa gharama kama hiyo, basi sisi tungekuwa duni jinsi gani kutoipitia? Wakati, kumbuka, hakuna kitu hapa, hata hivyo.

87 Kama ukiishi miaka mia moja, utapata nini? Wazimu, na akili zako zimepotea, umekuwa mlemavu kabisa, na mzee na mtu anayetetemeka. Huko ndiko unakoelekea, na huo ndio mwisho wake. Njoo sasa, shinda jambo hilo. Jinsi unavyofanya jambo hilo? Kwa Neno. Yale Neno lisemayo, unayafanya. Tembea kwa unyenyekevu. Ishi mbele za Yesu.

Alivumilia mambo yote kwa ajili yako na mimi. Yeye ndiye mfano wetu jinsi ya kushinda kizazi chetu kiovu, kama Yeye alivyokishinda kizazi Chake kiovu.

Kumbuka, wakati alipokuja duniani, kuna kutokuamini kwingi vile vile, ama zaidi, kuliko kunavyokuwa wakati wowote. Haikumsumbua hata kidogo. Walipomwita ibilisi badala ya Mungu, wakati walipomwita kila kitu ambacho kingaliweza kufanywa, halikumsumbua hata kidogo. Yeye alikuwa na kusudi moja, “Kumjali Baba. Kulitii Neno.” Neno ni Mungu. Alikuwa na nia moja.

88 Wakati mwingine tunajaribiwa kurudi. Wengi wenu, mnajaribiwa kurudi nyuma kwenye dhehebu, kurudi nyuma na kuchukua, maana ulimwengu mzima unasema, “Wewe ni wa dhehebu gani? Unashirikiana na kanisa gani?” Tunajaribiwa kufanya hivyo; sote tuko hivyo. Dada zetu wanajaribiwa kurudi nyuma, kurudi nyuma na kujiunga na hayo makanisa mengine, pamoja na baadhi ya Assemblies, ama makanisa ya Mungu, ama baadhi yao; wangali ni Wapentekoste, wanawaacha mkate nywele zenu, na kuvalia kwa karibu kila namna mnayotaka. Mnaona? Unajaribiwa kufanya hivyo, kurudi nyuma na kuwa mtu anayependwa na kizazi hiki kiovu tunachoishi pamoja nacho.

Wakati, hii ndiyo dhambi iliyo kubwa sana ya siku zetu. Ndiyo dhambi iliyo kubwa mno miongoni mwa watu wetu, kupenda anasa za ulimwengu, kama vile Biblia ilivyosema Laodi-...Wakati wa Laodikia ulivyokuwa. Ni wa kilimwengu, “Tajiri, hauna haja na kitu; haujui kwamba uko uchi; wenye mashaka, mnyonge, na kipofu.” Hiyo ndiyo dhambi ya siku yetu. Wakati unaposikia Neno la Mungu likiikaripia, ndipo unapopitia njia nyingine, hupendwi na ulimwengu. Unajaribiwa kurudi.



89 Ninajua. Unaendelea kuniambia. Ninajua unasema, "Wakati wote." Ninajua unachoshwa na mimi nikirudiarudia mambo haya. Ninachoshwa na kukuona ukifanya hivyo, pia, hiyo ni kweli, dhambi hii ninayotaribu kukwambia habari zake. Unasema, "Unayarudiarudia ya nini?" Acha kufanya hivyo, basi. Ninajaribu kuyaokoa maisha yako, kwa Neno. Ninachoka, pia. Kwa hiyo, nyoosha tu mambo. Hii ni dhambi, haipaswi kufanywa. Naam, bwana.

Tunapaswa kushinda mambo haya. Tunatarajia kujaribiwa nayo, dunia. "Mtu ukiipenda dunia, mambo yaliyomo katika dunia, kumpenda Mungu hakumo ndani yako," Yesu alisema.

90 Sasa tutafunga tu, na kusema hivi. Kuna thawabu kwa mshindi.

Hebu niwasomee jambo fulani hapa. Fungueni Biblia zenu. Hebu na turudi kwenye Ufunuo, mlango wa 3, mlango wa 2. Angalia hapa sasa, mambo haya yote ambayo nimekuwa nikizungumzia, kuyashinda. Sasa jiangalie tu mwenyewe uone. Jichunguze mwenyewe katika kioo cha kujiona kiroho, uone kama umeshinda.

91 Sasa, ujumbe wa kwanza, kwa—kwa malaika wa Efeso, ninawatakeni msikilize yale aliyosema. Na Ufunuo, mlango wa 2, kifungu cha 7. Hii ni kwa wakati huo wa kanisa, wakati Yeye alipowaambia yote waliyofanya, "Waliuacha upendo wao wa kwanza." Kifungu cha 7:

*Yeye aliye na sikio, na alisikie neno hili ambalo Roho ayaambia makanisa; Yeye (mtu, si kanisa)...Yeye ashindaye—ashindaye, nitampa kula matunda ya mti wa uzima, ulio katika bustani ya Mungu.*

Mnaona? Washindi wa Efeso.

Sasa, wa pili ulikuwa ni Smirna. Sasa, kwa washindi katika huo, tusikilize hili. Sasa, aya ya 11.

*Hebu yeye—yeye aliye na sikio, na alisikie neno hili ambalo Roho ayaambia makanisa. Yeye ashindaye hatapatikana na madhara ya mauti ya pili.*

Mnaona? Waliishinda.

Sasa, hilo, sasa angalia kwenye Pergamo, tutaona kile mshindi alikuwa amemwachia, katika huu. Tutasoma aya ya 17, kwa kanisa la Pergamo.

*Yeye aliye na sikio, ...*

Huyo, huyo ni mtu binafsi, si kundi zima. Mtu binafsi, huyo ni Bibi-arusi anayetoka, unaona, lile Kanisa.

*Yeye aliye na sikio, na alisikie neno hili ambalo Roho ayaambia makanisa. Yeye ashindaye nitampa baadhi ya ile mana iliyofichwa, nami nitampa jiwe jeupe, na juu ya jiwe hilo limeandikwa jina jipya asilojua mtu ila yeye alipokeaye.*

Huyo ndiye mshindi, wa wakati wa kanisa.

92 Sasa, unaofuata ni Thiatira. Hebu na tuone kile mshindi alichokuwa nacho katika siku hiyo. Hebu na tuchukue kifungu cha 26.

*Na yeye ashindaye, na kuyatunza matendo yangu hata mwisho, nitampa mamlaka juu ya mataifa: (Hiyo ni kweli.)*

*Na...atawachunga kwa fimbo ya chuma, na kama vyombo vya mfinyanzi vipondwavyo, kama mimi nami nilivyopokea kwa Baba yangu.*

Mnaona, "Pamoja Naye, katika kiti Chake cha enzi." Kristo atayatawala mataifa, kwa fimbo ya chuma. Na hili hapa Kanisa linaloshinda, "Limeketi mle ndani, pamoja Naye, kuyavunja mataifa kwa fimbo ya chuma."

Sasa hebu tuwapeleke kwenye kanisa la Sardi. Sasa aya ya 5 ya mlango wa 3.

*Yeye ashindaye atavikwa hivyo mavazi meupe, wala sitalifuta kamwe jina lake katika kitabu cha uzima, nami nitalikiri jina lake mbele za Baba yangu, na mbele ya malaika zake watakatifu.*

Hilo ni kwa mshindi katika Sardi.

93 Sasa, hebu tuchukue sasa aya ya 12. Sasa, hili ni kwa kanisa la—la Filadelfia, katika kifungu cha 12.

*Yeye ashindaye, nitamfanya kuwa nguzo katika helaku la Mungu wangu, wala hatatoka humo tena kabisa, nami nitaandika juu yake jina langu, jina la Mungu wangu, na jina la mji*

*wa Mungu wangu, huo Yerusalemu mpya, ushukao kutoka mbinguni kwa...Mungu na jina langu mwenyewe, lile jipya.*

Angalia kile mshindi amehidiwa. Mnaona?

Sasa, sasa Laodikia, huo ndio wakati wa mwisho wa kanisa. Kutakuwako na washindi fulani mle ndani. Angalia hapa. Wao, kumbuka, kila wakati wa kanisa, lile linalofuata linarithi yote ambayo hizo nyingine zilipewa. Angalia hapa juu. Sasa, hapa, ni baada ya wao kupokea mamlaka haya yote, majina haya mapya, na kila kitu kilichoandikwa, alichohadi, na kula mana iliyofichwa, na kote kote. Angalia wakati huu wa mwisho wa kanisa, Ufunuo 3:21.

*Yeye ashindaye, nitampa kuketi pamoja nami katika kiti changu cha enzi, (amina) kama mimi nilivvyoshinda nikaketi pamoja na Baba yangu katika kiti chake cha enzi.*

*Yeye aliye na sikio, na alisikie neno hili ambalo Roho ayaambia makanisa.*

Kuna tuzo kwa washindi. Jipenyeze, ewe yungiyungi. Kama liko ndani yako, weka kando matope na chochote kile, na ujipenyeze ukielekea juu. Naam, bwana. "Kuketi pamoja Nami kwenye kiti Changu cha enzi."

94 Mnajua, wakati mmoja, mama wa Yakobo na Yohana... Hatutapata wakati wa kulisoma. Mama wa Yakobo na Yohana alikuja na kuomba mahali hapa. Mnajua jambo hilo? Mnakumbuka jambo hilo? [Kusanyiko linasema, "Amina." — Mh.] "Bwana, hebu mwanangu aketi upande mmoja, na mwanangu mwingine aketi upande ule mwingine." Hiyo hapo shauku ya mama kwa ajili ya mwanawe.

Lakini angalia. Lakini, "Mahali hapo," Yesu alisema, "palichaguliwa tangu zamani." Mahali hapo hapakuwapo wakati huo. Kwa nini? Angalia. "Patapewa wale waliokusudiwa." Nini? Yule atakayeketi mkono wa kulia, na yule aliye karibu zaidi Naye, walikuwa bado kuwa mshindi. Mnaona? Ilikuwa bado ... Yeye alisema, "Mi—mimi sitoi jambo hili. Siwezi kutoa hili, bali litatolewa baada ya majaribio kuja." Amina. Mnaona? "Siwezi kutoa hili. Lakini baada ya majaribio kuja, wao wataketi mkono wa kulia na mkono wa kushoto. Kuna uzao uliokusudiwa unaongojea jambo hilo huko ng'ambo. Litatolewa kwa wale walioahidiwa hilo. Litatolewa huko, bali jaribio halijakuja bado; hilo, Yeye hajashinda bado." Mnaona?

95 Mtu aliyekuwa achukue mahali hapa upande mmoja, na mwingine achukue upande mwingine, karibu na Yeye katika ule Ufalme, halikuwa limetolewa bado, mnaona, huyo hakuwa ameshinda. Jaribio halikuwa limeshuka bado. "Litashuka katika siku za usoni."

"Tukiteswa kwa ajili ya Kristo na Neno Lake, tutatawala pamoja Naye, kwa kuwa Yeye ni Neno." Kumbukeni, "Tukiteswa kwa ajili Yake na Neno Lake, tutatawala pamoja Naye, katika Neno Lake."

Angalia. Yeye, Mfano wetu, alishinda, na kisha akapaa juu, baada ya kushinda mauti, kuzimu, magonjwa, kaburi. Kila kitu, Yeye alishinda. "Kisha akapaa juu, na akateka mateka, akawapa wanadamu vipawa." Hilo lilikuwa ni Agano la Kale, pamoja na watakatifu wa Agano la Kale waliokuwa wameshinda. Walimtazamia Mtu kama huyo, nao wakafa kabla Yeye hajafika. Lakini wakati Mtu huyu alipokuja, "Haikuwatangulia wale waliolala mauti." Amina. Huwezi kushindwa, kwa njia yoyote. Uishi ama ufe, inaleta tofauti gani? "Hawatawatangulia." Mnaona? Walitazamia jambo hilo.

96 Hata Ayubu kule nyuma, alilitazamia jambo hilo. Yeye alisema, "Ninajua Mkombozi wangu yu hai, na katika siku za mwisho Yeye atasimama juu ya nchi." Huyo hapo alikuwa mtu mwenye haki, mtu mkamilifu. Alitoa dhabihu. Alifanya kila kitu ambacho Mungu alimwambia afanye. Alifanya hivyo kwa uchaji na heshima. Yeye alikuwa ni nabii. Na ndipo Shetani akaja, kumjaribu. (Kama tu anavyokuja kukujaribu.) Alifanya nini? Aliendelea kusimama pale.

Mke wake hata alitokea, kasema, "Mbona usimkufuru Mungu ukafe kifo? Unaonekana mwenye majonzi sana ukiketi hapo."

Akasema, "Wewe wanena kama mwanamke mpumbavu." Sasa, kamwe hakusema alikuwa mpumbavu, bali alinena kama mpumbavu. Mnaona? Kasema, "Wewe wanena kama mwanamke mpumbavu." Kasema, "Bwana alitoa, na Bwana ametwaa; Jina la Bwana libarikiwe." Yeye alishinda.

97 Alishinda yale majirani walipaswa kusema. Alishinda yale washiriki wote wa kanisa, Bildadi na hao wengine, walipaswa kusema. Alimshinda askofu na yale aliyosema. Alimshinda kadinali na yale aliyosema. Alishinda dhehebu, yale waliyosema. Naye akadumu na kuhesabiwa haki kwa Neno. Amina. Hata hivyo, ilimgharimu kila kitu alichokuwa nacho, hata watoto wake. Alifikuna majipu kwa kigae, akiketi kwenye hili, na hata hivyo alishinda. Na hatimaye wakati ile saa kuu ya majabu ilipofaulu, ndipo mawingu yakafingirika kurudi nyuma.

98 Yeye aliangalia kila kitu cha kweli. Akasema, "Kuna tumaini katika mti kama ukifa; unaishi tena. Na mbegu inaanguka ardhini, inaoza; inaishi tena. Lakini mwanadamu hufa na kutoa roho yake; anafariki dunia. Ndipo watoto wake wanakuja, wanawe, kumheshimu na kumwombolezea; yeye hajui. Yeye

hatafufuka tena. Loo, huyo hapo. Kuna nini? Mimi ni mbegu, pia. Mimi ni kitu fulani, ambacho ni mbegu, nami nitaingia ardhini. Siwezi kufufuka tena. Nitalala pale. Loo, nifiche kaburini, niweke katika mahali pa siri hata ghadhabu Yako itakapopita. Niandikie muda na kunihukumu. Kama mawe yanavyolika, maji yanavyolikwangua jiwe.” Loo, aliendelea, akisema mambo haya yote. Yeye angeweza kuona mifano yote huko nje, jinsi ilivyokuwa. Loo, asingeweza kuliona.

99 Na, Dada Rodgers, kumbuka nilipohubiri jambo hilo kwenye mazishi ya Busty. Mnaona?

Jinsi, ambavyo, “Angeliparura jiwe,” jinsi ambavyo mambo haya. . “Loo, Wewe, nifiche kaburini, na uniweke mahali pa siri.” Aliendelea kujipenyeza. Akasema, “Laiti ningalijua. Laiti ningalijua mahali ningeweza kwenda, kwa Mtu ambaye angeweza kuniwekea mikono Yake, mtu mwenye dhambi, na Mungu mtakatifu, na anene Naye kwa ajili yangu.” Loo, jamani! “Yeye yuko Kule. Ninajua Yeye yuko Kule. Kuna Mtu Fulani pale anayeweza kufanya jambo hilo. Kuna Mtu fulani mahali fulani. Ninaweza kumpata wapi Mtu huyo? Ninaweza kupata wapi? Nitabisha mlango Wake na kuzungumza Naye. Laiti Mtu fulani angaliweza tu kuweka mkono Wake juu yangu, na juu ya Mungu, na—na kuniunganishia njia, kuzungumza! Laiti ningaliweza kumpata Mtu huyo! Loo, Yeye yuko wapi?”

100 Alitafuta katika kanisa lake. Alikuwa ametafuta katika madhehebu yake. Asingeweza kumpata Mtu kama huyo.

Ndipo kwa ghafla, mawingu yalifingirika yakarudi nyuma, ndipo akamwona Mtu huyo akija. Loo! Moyo wake mzee ulidundadunda kwa furaha. Ndipo jambo fulani likatukia. “Ninajua Mteteaji wangu yu hai. Kuna Mtu kama huyo.” Amina. Bado kuna Mtu kama huyo. “Ninajua Mteteaji wangu yu hai. Na hata ingawa, baada ya mabuu ya ngozini kuuharibu mwili huu, hata hivyo katika mwili wangu nitamwona Mungu, Ambaye nitamwona mimi kwa nafsi yangu. Yeye atasimama duniani katika siku ya mwisho.”

101 Kwenye asubuhi hiyo ya Pasaka, wakati Yeye alipofufuka huko ng'ambo, na mwili wa Ayubu si zaidi ya kijiko kimoja cha majivu, yeye alikuwa akingojea. Yeye alikuwa lile Kundi lililoteuliwa. Yeye alifufuka kutoka kaburini na kuingia mjini, pamoja na Ibrahimu, Isaka, Yakobo, Ayubu. Loo, jamani! Amina. Kwa kuwa, walimtazamia Mtu kama huyo.

“Na kwa wale Ambao wanamtazamia Kristo kwa mara ya pili,” wanaoweza kushinda mambo ya ulimwengu huu, kwa neema Yake, kuingia katika Yeye, na kufunga macho yenu kwa kitu kingine chochote ila Yeye na Neno Lake, “Yeye atatokea mara ya pili katika Utukufu.”

“Kwa maana parapanda ya Mungu italia, waliolala katika Kristo watafufuka, hao walio hai na waliosalia watabadilishwa, katika dakika moja, kufumba na kufumbua jicho, watanyakuliwa pamoja, kumlaki Yeye hewani.”

102 Kama mimi ni kijiko kimoja cha majivu, ama kama ninaishi wakati atakapokuja, haileti tofauti yoyote kwangu. Amina. Haijalishi, kwa sababu nimelishika lile ono. Lile pazia lilirudi nyuma, nami ninamwona. Mtu ambaye angeweza kusimama, na kuweka mkono Wake juu yangu, mtu mwenye dhambi, na juu ya Mungu mtakatifu. Naye ni upatanisho wangu. Yeye ni Neno ambalo ninalitetea. “Hapo mwanzo kulikuwako Neno.” Yeye ni Neno hilo, Naye ananiwakilisha, Kule. Amina. Nami nitapiga makelele, mradi tu nina pumzi, “Yeye ni Ufufuo wangu na Uzima wangu.” Na sehemu zingine zote ni mchanga udidimiao. Sehemu zingine zote ni mchanga udidimiao.

103 Kama vile alivyonyakua wale waliotazamia jambo hilo, vivyo hivyo Yeye atamjia kila mtakatifu wa Agano Jipya ambaye ameshinda kila mkosoaji wa kimadhehebu, ambaye amepata kushinda dhambi zote zinazopendwa za siku hii, za wakati huu tunaishi sasa, kama alivyofanya katika nyakati zingine zote za kanisa, wale walioshinda katika wakati huo wa kanisa. Wale walioshinda nini? “Mimi ni tajiri. Sina haja ya kitu. Nina ninii ... Loo, mimi ni *haya* yote na *haya* yote. Nami ni Bibi-arusi. Mimi ni hiki. Sina haja ya kitu.’ Wala hujui ya kwamba wewe ni uchi, kipofu.”

Mnaona ule wakati wa udanganyifu niliosema? Si kama wale waliokatwa vichwa vyao, huko nyuma, wapate lile jiwe jeupe; si wale waliouawa katika ufa imani, na kuchomwa kwenye nguzo, na vitu kama hivyo; walioshinda taji. Lakini ni wakati huu mdanganyifu sasa, unaofikiri ya kwamba wao ni kila kitu. “Vema, mimi ni mfuasi wa kanisa. Mimi ni mtu mzuri. Mimi ni mwanamke mzuri. Ninafanya *hili*. Si lazima nifanye *Hili*.”

104 “Lakini yeye ashindaye,” yeye ayashindaye mambo hayo yote ya kilimwengu ya wakati huu, watafanya nini? Wote wataketi pamoja Naye katika kiti Chake cha enzi; wataenda katika Unyakuo atakapokuja. Loo, jamani! Ninajali nini, basi? Tunajali nini yale ulimwengu usemayo? Tunajali nini yale mtu yeyote asemayo? Roho Mtakatifu mkuu yuko miongoni mwetu. Nguzo Yake ya Moto hututangulia na kutuongoza. Neno Lake limethibitishwa mbele zetu. Upendo Wake umo mioyoni mwetu. Ulimwengu uko nyuma. Tumepita kutoka mautini kuingia Uzimani. Ulimwengu unafikiri una kichaa.

Lakini inampasa Yesu kuubeba msalaba huu peke yake,  
Na ulimwengu mzima uwe huru?

Kuna msalaba kwa ajili ya kila mmoja,  
Na kuna msalaba kwa ajili yangu.

Miaka thelathini na mitatu hudumani, na msalaba huu uliowekwa wakfu nitaubeba hata mauti itakaponiweka huru.

Acha ndugu zangu wanikatae, waseme lolote watakalo, wanikatae kwa lolote. Lakini juu ya Neno *hili* nasimama, na Hili pekee.

Msalaba huu uliowekwa wakfu nitaubeba  
Hata mauti itakaponiweka huru,  
Ndipo niende Nyumbani, katika Unyakuo, nikavalishwe taji.

Hilo ndilo tunalotaka sisi sote. Sivyo? [Kusanyiko linasema, "Amina." — Mh.] Hilo ndilo tunalotaka. Hilo ndilo—hilo ndilo tumaini letu na ombi letu. Hatuna mawazo mengine, ila hilo juu ya Yesu Kristo. Na juu ya haki Yake tunasimama, hiyo pekee, na haki Yake katika Neno Lake. "Naye Neno alifanyika mwili akakaa kwetu." Nalo Neno bado linajithibitisha Lenyewe.

105 Kushinda vipi? Kwa kuchukua Neno, ile ahadi, katika unyenyekevu, tukitembea kwa unyenyekevu.

Msalaba huu uliowekwa wakfu nitaubeba  
Hata mauti itakaponiweka huru,  
Ndipo niende Nyumbani, nikavalishwe taji.

Kwa kuwa, "Wakati Parapanda hiyo itakapolia!" Mnaweza kunizika baharini, bali ile Parapanda itaniamsha. Kweli. Ninaenda Nyumbani, siku moja. Amina. Mpaka wakati huo, nitajitahidi, amina, nikiubeba msalaba huu; nikiyaelekeza macho yangu si kwa watu, bali juu ya Kalvari kule ng'ambo, kwa maana Yeye alikuwa ndiye mfano wangu. Yeye alionesha jinsi ya kufanya jambo hilo. Na mfano Wake, tutaufuata kwa furaha, siku baada ya siku.

Ninamfuata Yesu kila hatua njiani.  
Ninamfuata Yesu kila hatua njiani.

106 Hivi hamuupendi huo? [Kusanyiko linasema, "Amina." — Mh.] Loo, jinsi ninavyofikiria, kumfuata Yeye, siku baada ya siku, kila hatua njiani.

Hebu na tuombe.

Bwana Yesu, saa moja na dakika kumi na tano sasa, nimesimama hapa, nikijaribu kuchukua Neno Lako na kuwaelezea watu jinsi ya kushinda. Ulitwambia jinsi ya kufanya jambo hilo. Hukutwambia tu, bali ulituonesha jinsi ya kulifanya. Ulituongoza. Ulituonesha jinsi ya kulifanya: kulipokea Neno ndani yetu, na kuhakikisha tunalishika Neno hilo, "Imeandikwa," katika kila jaribio; bali tuwe wanyenyekevu, tutembea kwa unyenyekevu. Ndipo tumeshinda, kupitia Kwako, kupitia nguvu Zako ambazo tayari zimemshinda adui yetu. Na jambo pekee tunalopaswa kufanya ni—ni kutembea tu kwa unyenyekevu na imani, tukiamini jambo Hilo, na beji yetu ya utambulisho wa Roho Mtakatifu, naye Shetani hana budi kuondoka.

Kuna lesu zimewekwa hapa. Zinawakilisha wagonjwa. Wao ni wahitaji, Bwana. Nao wanasoma katika Neno hili lisiloweza kushindwa ambapo walichukua kutoka kwenye mwili wa Mtakatifu Paulo vitambaa na lesu. Viliwekwa juu ya wagonjwa. Pepo wachafu wakawatoka, na miujiza mikuu ilifanyika. Sasa, Wewe ni Bwana Yesu yule yule leo.

107 Paulo alihubiri Neno hili, na akaandika Neno hili, Neno lile lile tunalojaribu kulifuata. Kwa sababu, alichukua Agano la Kale na kulifananisha, na akaonesha ya kwamba lilikuwa ni mfano, ya kwamba Agano la Kale lote lililikuwa ni mfano mkamilifu wa hili Jipya. Ee Bwana, jalia tufuate mfano huo.

Tunamwona Bwana wetu, yale aliyofanya. Na tunatambua ya kwamba, hao watakatifu wa Agano la Kale, asubuhi hii, tunaona ya kwamba walienda. Wakati Yesu alipofufuka, waliondoka pamoja Naye. Na, Bwana, tunaamini ya kwamba tutaenda wakati Yeye atakapopiga Parapanda. Tunaamini jambo hilo, ya kwamba Bibi-arusi ataondoka kwenye Siku hiyo na ataungana na—na kundi Lake la Kiebrania, na, pamoja, kutakuwako na Chakula cha Arusi Utukufuni. Hao wanangojea.

Tunaomba sasa rehema Zako na neema juu yetu. Washindi, Bwana, washindi, tunatamani kuwa washindi. Tushinde. Bwana Yesu, Wewe uliushinda ulimwengu. Sasa naomba ya kwamba utamjalia kila mtu hapa, asubuhi ya leo, "Aweke kando kila dhambi, aweke kando kila mzigo utuzingao kwa upesi, tupate kupiga mbio kwa subira katika yale mashindano yaliyowekwa mbele zetu."

Paulo alisema haya, Baba yetu wa Mbinguni, pale katika Kitabu cha Waebrania, ya kwamba, "Inatupasa kuweka kando kila mzigo," ule mlango wa 12, ambapo alisema jambo hili, baada ya yeye tayari kuonyesha kwa mfano, kule nyuma: wale walioendelea; wale ambao hawakuendelea; wale waliofuata kwa uvuguvugu; wale waliofuata wakiwa mbele; wale waliosita nyuma. Loo! Yeye alionesha mifano. Ndipo akageuka na kusema, "Na tuweke kando kila mzigo, kila kitu kilicho kidogo sana kituzingacho, tupate kupiga mbio kwa subira katika yale mashindano yaliyowekwa mbele zetu; tukimtamama Yeye,

mwenye kuanzisha na mwenye kutimiza Imani yetu, Yeye aliyetupa mfano." Tunafanya hivyo asubuhi ya leo, Baba.

108 Sasa, huku vichwa vyetu vimeinamishwa, sasa chunguzeni kwa makini sana, sana, kwa makini sana. Na, basi, iweni waaminifu sana. Inaninii tu—inachuchua tu... Hayo tu ndiyo yanayohitajika: uchunguzi wako na uaminifu wako. Kuwa mwangalifu sana unapochunguza sasa. "Nichunguze, Bwana. Nijaribu. Kuna uovu ndani yangu? Kama upo, Bwana, jalia niuweke chini, papa hapa sasa. Mahali hapa, ambapo nimeinama, ni madhabahu Yako. Ninauweka chini, papa hapa sasa, ninaweka miguu yangu juu yake. Nitakapoondoka, utakaa pale. Nguvu za Damu Yako zitauteketeza. Ninataka kuwa mshindi. Nina kitu fulani kinachonisumbua, Bwana. Ninataka kushinda, asubuhi ya leo. Ninaweza, kwa Wewe. Nimeambiwa hivyo, na Neno Lako. Ninauweka chini sasa, Bwana, na kuweka miguu yangu juu yake. Ninapotoka kwenye jengo hili asubuhi ya leo, niende, nikijua ya kwamba umewekwa katika pi—pipa la kipausha cha Mungu. Hautakumbukwa tena. Sasa nitautubu na kuomba rehema."

Huku vichwa vyetu vimeinamishwa, macho yetu yamefumbwa; mioyo yetu ikiwazia, huo ndio mlango wa kuingilia kwenye nafsi sasa. Je! kuna jambo fulani unalotaka kuweka kando asubuhi ya leo, jambo fulani unalotaka kulishinda? Nawe umelijaribu sana, lakini, asubuhi ya leo, utaacha tu kujaribu. Utakubali tu kile alichofanya. Ninataka uinue tu mkono wako, useme, "Bwana, ninataka kushinda. Jambo fulani linanisumbua."

109 Bwana Yesu, unaona mikono hiyo. Sasa, kama mtumishi Wako, anayesimama kati ya walio hai na waliokufa, ninapatiliza kila kitu kinachowasumbua watu hawa pamoja na mimi mwenyewe. Na ninaomba hilo katika Jina la Yesu Kristo, tunaweza kuliacha limewekwa hapa juu ya madhabahu ya Mungu, na kuondoka asubuhi ya leo, huru, kama washindi.

Kama dada zetu hawajakuwa na neema huko nyuma, jalia wapewe sasa, Bwana. Kama ndugu zetu hawajakuwa na neema, jalia wapewe sasa. . Na ujalie, katika unyenyekevu, mama pamoja na watoto wake, badala ya kuwa wenye majivuno. Yeye anajua ameketi ... Yeye ni mhubiri kwa hao watoto wadogo. Maisha yake ni mfano. Baba ni mfano kwa mama, kwa kuwa yeye ndiye kichwa cha nyumba. Mama amekuwa akijaribu kumtawala; kamwe hatafanya hivyo tena. Kama mumewe amekuwa akimtumia kama mkeka wa sakafuni, haitafanyika tena. Yeye ni msaidizi. Tujalie, Bwana. Jalia mambo haya yote yanayotuzuia, Bwana, yaondolewe.

110 Tu—tunajiweka wakfu, Baba, kwa ajili ya wakati wa maisha tulio nao mbele zetu, tukijua jambo hili, ya kwamba hatuna budi kufikia mwisho wake, na hiyo ni sasa hivi. Kwa hiyo, asubuhi ya leo, tunachukua nafasi hii, baada ya Ujumbe huu. Tunachukua nafasi, Bwana, kuja, kwa sababu tumealikwa kuja. "Mtwikeni fadhaa zenu, kwa maana Yeye hujishughulisha sana kwa mambo yenu." Ninajua unajali, Bwana. Ulijali vya kutosha kufa kwa ajili yetu. Nasi hakika tunaweza kujali vya kutosha kuja na kukubali kile ulichofia.

Tutakase, Bwana. Tujaze upya na Roho Mtakatifu. Jalia Roho Mtakatifu atawale tu mioyoni mwetu, kwa ukuu, tupate kutembea, tukisahau mambo yaliyo nyuma, kinyaa na uchafu tuliyoishi ndani yake wakati mmoja. Tutakaza mwendo tuifikie mede ya wito mkuu, ambako Nuru zetu zinaweza kuangaza katika upendo na unyenyekevu, mpaka kila mpitaji anaweza kusema, "Yule pale Mkristo anayeishi pale kwenye mlima ule. Mtu yule, mwanamke yule, mwanamume yule, ni ua halisi la Mungu lililowekwa wakfu. Hao wana upendo sana na ni wakarimu sana, daima wamejaa upendo na ni watamu, na wana ufahamu." Tujalie, Baba. Jalia tukolee chumvi, kusudi ulimwengu upate kuona kiu; tujalie, Baba; na tuyashinde mambo ya dunia hii, na masumbufu ya maisha haya. Katika Jina la Yesu Kristo. Amina.

Ninaweza ...

Sasa hebu na tuinue tu mkono wetu.

... Mwokozi ...

Akiita kitu gani? "Njoo huku, kutoka kwenye matope." Maisha ya juu zaidi; Kitu fulani kiko ndani yako, kikikuvuta upande huo. Ni kitu gani? Ni Yeye. Huko chini kwenye matope, maua madogo; una Uhai mle ndani, ukijipenyeza kwako. Huo ndio unaokuita, "Panda juu, utoke kwenye matope."

Fuata, fuata ...

111 Sasa, mnamaanisha hilo? Sasa funga macho yako.

Aniongozako nitafu- ...

Sasa jisalimishe mwenyewe. Maanisha hilo, sasa.

Aniongozako nitafuata,

Aniongozako nitafuata,

Nitaambatana Naye, Naye, njia nzima.

Aniponiongoza ni ...

Kwa sauti tamu tu sasa. Kumbuka, jilaze mwenyewe pale.

Aniongoza ...

"Nitauweka hapa, Bwana. Nitakufuata Wewe, tangu sasa na kuendelea. Ninakubali Hilo. Ninaliamini."  
Aniongozako ...

Kumbuka, maisha yako yatashuhudia kwa sauti kuu kuliko kinywa chako. Jinsi unavyoishi itathibitisha kwa watu zaidi ya yale unayosema.

Nitaambatana Naye, Naye, (njiani, wapi?) kotekote.

[Ndugu Branham anaanza kuvumisha *Ananiongozako* — Mh.]

Jiweke tu wakfu, kwa kilindi, kwa uaminifu, moyo wako wote. Vipi kama huu ulikuwa ndio wakati wa mwisho ungeliruhusiwa kuomba? Huenda ikawa. Natumaini siyo. Huenda ikawa. Basi, uwe na hakika sasa, hakika kabisa, hakika kabisa. Kumbuka, mlango utafungwa, siku moja, ndipo yote yatakuwa yamekwisha. "Ombeni, nanyi mtapokea."

[Ndugu Branham anaanza kuvumisha *Aniongozako* — Mh.]

Wazia tu juu ya utukufu wote ambao alikupa, kila kitu ambacho amefanya. "Ninaamini, Bwana. Ninaamini. Ninaamini ya kwamba Wewe ndiwe mshindi wangu. Ninatembea tu na Wewe, Bwana. Ninataka kukaa karibu na Wewe, kwamba mahali ulipo, hapo ninataka kuwa."

112 Na kumbuka, Wewe ulituambia, Baba, ya kwamba, "Tutakuwa pamoja na Bwana milele, tutakaponyakuliwa." Wakati wa mara moja tu sasa, wakati akitembea pamoja nasi sasa. Lakini wakati huo tutaninii ... Ni jambo kubwa jinsi gani, kujua tu ya kwamba Yeye yuko kati ye—yetu! Itakuwaje wakati tutakapokuwa pamoja Naye milele? Tunapenda sana shughuli zetu zote: tunaweza kutoka kwenda kuendesha magari; tunaweza kwenda kununua vitu; tunaweza kwenda kuwinda, kuvua samaki, ama chochote tunachoweza kufanya katika kustarehe. Lakini, loo, kanisa linapofunguliwa, mnaona, tunataka kukutana na Bwana wetu. Hilo ni kuu kuliko vitu vyote. Halafu, wazia, Yeye alituahidi. "Na daima tutakuwa pamoja na Bwana. Tutaketi pamoja Naye katika kiti Chake cha enzi, na tuwe pamoja Naye milele." Ee Mungu, kwa unyenyekevu, huku—huku vichwa vyetu vimeinamishwa, tunalikubali, Bwana, katika Jina la Yesu Kristo.

113 Unajisikia unaweza kuondoka tu, sasa, kila kitu, kila mzigo? Unaweza tu kwenda juu, juu yake sasa? Kama ndivyo, inua mkono wako, useme, "Kwa neema ya Mungu ninaweka jaribio hili chini. Sitalipiga vita, tena. Nitashika tu mkono Wake, nianze kutembea."

"Nimepigana, Ndugu Branham. Nilijaribu kuacha kuvuta sigara. Ni—nilijaribu kuziacha nywele zangu zikue. Nimejaribu kufanya jambo *hili*. Nimefanya ... Nimejaribu, kwa bidii sana, Ndugu Branham. Siwezi kabisa kufanya jambo hilo."

Usilijaribu, tena. Ushike tu mkono Wake, useme, "Baba, Wewe tia mkono wangu katika mkono wa vazi." Unaona? "Nitakupa tu mkono Wangu. Nitaendelea, Bwana, nikikutazama Wewe." Itatukia. Itakuvalisha kama Mkristo halisi. Utakuwa Mkristo halisi.

Mpaka nitakapowaona, usiku wa leo, Mungu na awapende na awe pamoja nanyi. Ninyi ni watoto wangu wa Injili. Ninyi ndio mlionunuliwa.

Sasa ninawarudishia mchungaji wenu, kwa ajili ya kuwaruhusu mwondoke, Ndugu Orman Neville.



[www.messagehub.info](http://www.messagehub.info)

Mahubiri Na  
**William Marrion Branham**  
"... katika siku za sauti ..." Ufu. 10:7